

१

(ख्रीस्तीय भजन १)

को: हालेलुया होसन्ना हालेलुया (४)

१. परमेस्वर बाबुए ओसेवा गेदोया, गेलाई बाँचैन्या ओल ज़ लिज़्या
प्राई पापीर यास्ज्याव, याजोरो हुवर सगराँज्याव ।
२. ओल्योक हुद, धन्याबाद याद, रेंद हुचिके ओसेवा गेदोया
रेंए रेंए पापनी रास्ज्याव भेंस्यालाई प्राईए जय जय गेदोया ।
३. ओल ज़ नाम नमलाव प्राईए बाबु, गेलाई उयुं नाज़्या एकमन्या
मोलो बादले थोर स्यासो पापलाई ख्यादचासिज़्याव एकमन्या ।
४. आमाए मा:ती उयुं नाद, संसारलाव छचासोदा मारास्सिक्यो
छेंव ओपाँए नुईं सवैद, मासिन्या जुनी गेलाई यासिक्यो ।
५. गावलाराए मा:ती गेलाई खिम्द पलेसिक्यो पापए भलखादानी
उजिउ भा:द बाँचैसिक्यो, प्राईलाई जैसिक्यो उमिनतावर ।
६. गेसिप्लाई घरिपाला तै:दचाद, पैसिक्यो भुन्या ओल ज़ गेलाई
ओकरत छींद बाज़ाए मा:ती कान्त ज़ घाइ जैद मायासिक्यो ।

२

(नौलो भजन ७०)

को: युं भरिल मया घुर्द पलाँव डा: जैद,
स्वागत लिज़्या आव बेला प्राईलाई (२)

येसुए उमिननी हो पलाँव डा: जैद (२)

१. उभ्याली हुके सीं मोम्नाके ओछयाँ सहिक्यो,
आव गेदैसिउ आछिम्काव छचाम (२)
युं होलाँ जैकेव हो आव पोलाई सहिक्यो (२)
२. रीगाउँ भुल्किज़्या आछिम आल युंलाई लोभैन्या,
खुसीए रेंद प्राईए ज़ ख्रीसलाई (२)
पुन्निताव स्यावै स्यासो हो रेंद ज़ गेलिज़्या (२)
३. गेदैसिके प्राई ज़ आल प्रभुए आसिसए,
रेंद ज़ गेल्या प्राई मिलिद (२)
प्रभुए मयास हो ओल ओपिछाल ज़ (२)

३

(नौलो भजन ३३)

को: भा:सिन्या गेताके प्राईलाई ज़ जयमसी

याका नैद यासिच्यो आव जुनी भरिल (२)

१. बुखीर औल मधेस गोंत, गेलाई चेतैसिच्यो (२)
तोबो ईस्वरए ओज़ार प्राई ज़, छुत ताचेतैच्यो (२)
२. दैसिद फरी भा:सिउ परिन्या, जुनी इताव ज़ (२)
कैताक फरी दैसिउ गेधुए, प्रभुए उयुं ज़ (२)
३. सिल्सिउ वासे माला फ्याव, मिताव ज़ ताके (२)
संसारल गेमादैसिदी ब, स्वर्गत गेदैस्या (२)

४

(ख्रीस्तीय भजन २१७)

१. येसुलाई क्रुसत चिऊचिके, गेदुख ओल ज़ घुदर्याद
क्रिसिज़्याव प्राईलाई ज़ मयास, येसुलाई चिऊच्यो ।
- को: येसुलाई चिऊच्यो चिऊद जेबाँचिया
येसुलाई क्रुसत प्राईए चिऊच्यो, येसुलाई चिऊच्यो ।
२. पापए घुर्लाई हाइदचाद अजम्बरी जुनी ज़ यान्या ले
सिन्या सजानी हाइन्या ले, येसुलाई चिऊच्यो ।
३. खादरनी प्रभु सैसिके मेंमार धोनाद चिऊकेर
डादा ज़ गालीलदा बाधुके येसुलाई चिऊच्यो ।
४. येसुए स्वर्गत पो जैज़्याव पापीराए यादुख सैज़्याव
साचो ज़ प्रभुए क्रिसिज़्याव येसुलाई चिऊच्यो ।

५

(नौलो भजन १७)

- को: चुम चुमो नाखारल डालिज़्या डा ।
व्री फुइ ताद आफत बिफत, सहिद डालिज़्या डा (२)
चुम चुमो नाखारल ।
१. रैन्या ज़ ले आव डायुँ प्रभुलाई रँद ।
बादल जील प्रभु उहुक, काता माःती ताज़्या आव डायुँ
ख्रीसलाई चिऊन्या डामीलाई कपद यायाँक (२)
२. छिल्द डाने डाखँए छे छे डम्सिउ ।
अखत्यासो कुधु हारँ गोर, डामाछेए ज़्यामोरास (२)
ख्रीसलाई चिऊन्या डामीलाई कपद यायाँक (२)

६

(ख्रीस्तीय भजन २०६)

- को: हुचिके मानुवालाव भाइ बैनीर, येसुए जेलाई क्रिचिज़्याव (२)
१. मानुवाल जेमीं फ़िम पाला माले (२) मानुवाल जेमीं मान पला माले (२)
राज्या जेलाई यान्याए जूनी येसुए जेलाई क्रिचिज़्याव ।
२. मानुवाल जे ते धर्म जेखिम्ज़्या (२) मानुवाल जे ते घुमिउ ज़ जेलिज़्या (२)
जेलाई पापनी रास्न्याए जूनी येसुए जेलाई क्रिचिज़्याव ।
३. ओड़ैत जास्सिउ ज़ुए तुपी (२) कोखाल पाला भालाए घोइसिउ (२)
लप्सिउ उकुइर थाँदचाद येसुए जेलाई क्रिचिज़्याव ।
४. हुचिके दाज्यू भाइ नाना बैनीर (२) येसुलाई जेयुँ सुहुचिके (२)
प्राइँराए पापलाई रास्न्याए जूनी येसुए जेलाई क्रिचिज़्याव ।

७

- को: हे दाज्यू भाइर हे नाना बैनी थैचिके आव पाँलाई,
ईस्वरए ओज़ा आव नामल हुके बाँचैना प्राइँरालाई,
फरी थैच्यो बाँचैना प्राइँरालाई ।
१. गेजूनी ज़ क्रुसत उजिउ मनी भाःक्यो,

- गे पापीराए गोपापलाई ओल ज़ घुर्द लाँक्यो (२)
२. तासघर्च्यो, तासघर्च्यो गोप्रभुलाई कुधु,
गेदलर माल्यो मिँर गेदलिया घुधु (२)
 ३. डल्द वाज़ लिन्या माःक बेला केस्हुधुके,
गेसुतुरलाई हारैन्यालाई गोप्रभु ज़ हुके (२)
 ४. खर्क पै ची जेलिरिज़्याव पाप वाज़ दाद,
परमेस्वरए फाल्न्या छचाम काता पाँन्या बाद (२)

८

(नौलो भजन ७)

- को: गोयेन गोमीं धर्म माःक आव ते ईस्वरए बर्दान ची
संसार गोमीं फ़िम ते माःक फ़िम ते गोमीं स्वर्ग ची ।
१. जर्मिउ छीनी सिन्या ताज़्या अजम्बरी जुनी माःक
अजम्बरी जुनी दैन्यालाई येसु ख्रीसलाई दैव ताए ।
 २. दुनिया प्राईए सत्या खिम्ज़्यार स्वर्ग पोल केस्न्यालाई
ईस्वरए वाज़ सकेसो धुज़्याव गे प्राई ज़ पापीरालाई ।

९

- को: थैचिके डानै डामेंर चेतैच्यो जेजुनीए जूनी,
ताख्याच्यो अइज़ जेक्याँलाई,
गोप्रभु हुके जुनी यान्यालाई (२)
१. तिर्थ बाज़्यार मिँ भरिर जुनी दैन्यालाई,
दान दोज़्यार उपासिज़्यार स्वर्ग केस्न्यालाई,
गोप्रभु ते भुन्दिके क्रुसत सोभोक्यो, उभीलाई (२)
यान्यालाई जुनी नँलाई डालाई (२)
 २. धर्मर कर्म दाद ते वाज़ माताए, बाँचिन्या (२)
गमनिकाव गेक्याँ गमस ज़ खैए गोमाधुइ लाँन्या ते,
रूजिसिउ आछिम नँलाई ज़ लिज़्या नपुरूस, जोगैन्या (२)
सधैन्या ओल ज़ लिज़्या है तयार (२)

१०

- को: हुचिके बाबु हुचिके आमा हुचिके नैं मेंर,
येसुए ल्योदा गोबाया प्राई ज़, मिलिद जुलिद (२)
१. गोबाया प्राई ज़ प्रभुए ल्योदा संसारलाई ख्यानैद,
गेहुज़्या प्रभु नल्योदा गे ते, पापनी थाकिद (२)
 २. क्रुसलाई घुर्द प्रभुए ल्योदा गोबाया मिलिद,
तयुँ ज़ जैद गोबाया प्राई ज़, प्रभुए ओल्योदा (२)
 ३. पापीराए जूनी प्रभुजी हुके संसारल बास दाद,
येसुलाई गेयुँ सुहुबो ताके, जुनीए आस दाद (२)

११

(ख्रीस्तीय भजन ३२६)

को: धोंद ज़ डाहुज़्या नल्योदा नैनाके नपिछाल
डाक्याँ भरी पाप ज़ लिज़्या हाइदचॉके डायुँनी

१. सिउनाके डालाई नल्योदा युँ थु जैन्या (२)
प्रभु नोकिन ड़ादा ज़ डाल्योदा नयुँ थु नजैके (२)
२. डाकुइनी कयो:द ज़ नँ स ज़ नैनाके (२)
अजम्बरी जुनी याद ज़गै ज़गै जैनाके (२)

१२

(ख्रीस्तीय भजन ३७६)

१. येसुए छींत डाबाज़्या डा ते मानुवालाई रास्द क्रुस घुर्द।

को: येसुए छींत डाबाज़्या डा ते, डामाओल (२)

२. आमाए डालाई, बाबुए डालाई, प्राइँए ज़ डालाई यारास्नादी ब
३. गमनी ज़ जैसिउ आव गमए डाक्याँ गमस ज़ फरी ओमाखैवा पै

१३

(ख्रीस्तीय भजन ६८)

को: राजा येसु हुके हालेलुया हुके (२)

सैतानलाई हारैन्याए जूँनी राजा येसु हुके (२)

१. पापए माफी दैद रेंए रेंए डालिज़्या (२)
युँलाई छैव जैन्याए जूँनी राजा येसु हुके (२)
२. आव मानुवाल पापर दुख ताज़्या कुधु कुधु (२)
युँलाई होलाँ जैन्याए जूँनी राजा येसु हुके (२)
३. येसु महाँ राजा महाँ प्रभु येसु (२)
हालेलुया लिचिके राजा येसु हुके (२)

१४

(ख्रीस्तीय भजन ३८६)

को: तखेपकाव जुनी आव लाँन्या ते काता लिज़्या सिद ज़ बान्या ची
मानुवालाव जुनी ते एकम्या माले ची, गमस ज़ खैन्या ले (२)

१. सिउकिन छीनी ते जुनी छुत लिज़्या युँ हुबो प्राइँरालाई
गेसुहुप्या गेयुँर स्वर्गताव बाबुलाई (२)
२. क्रुसत दुखस सिन्यालाई सहिना प्रभु ज़ उहुव
होए ज़ गोपाप घुर्द यासिक्यो (२)
३. जो जोराए येसुलाई यायुँ सुहुप्यार नास तान्या मालेर
दैन्याले होए ज़ माखेम्या जुनी ते (२)

१५

(ख्रीस्तीय भजन २१८)

१. आव मानुवाल काता ज़ माले थैचिके दाज्यू भाइर (२)
युँ थु जैद गेबाया प्राइँ ज़ जुनी दैन्यादा (२)

को: ख्रीस येसु लिज़्या, ख्रीस येसु लिज़्या

ख्रीस येसु लिज़्या तयार जुनी यान्यालाई

२. लोभ गेदोज्या लालच गेदोज्या आव मानुवाल प्राईदा (२)
आव भरी प्राई ज़ काता ज़ माले क्याँस लाँन्या ते (२)
३. हुचिके प्राई ज़ युँ सुहुण्ड जुनी दैन्यालाई (२)
येसुकिन छुत जुनी दैन्या माले कान्नी ज़ (२)
४. हुचिके प्राई ज़ दाज्यू भाइर थैन्या युँ दाद (२)
ख्रीस येसुए हुचिके लिद किसिज़्याव प्राईलाई ज़ (२)

१६

(ख्रीस्तीय भजन ४१८)

१. रिजानी घग गेभाःज़्या युँ ग़ालज़्याव धुरलाई
लाक पाला गेदोज्या नम ओमाभयावा
सहिद गेदोज्या ओसै दैन्याए जूनी
रैन्या गेले रेंद गेयेनए ओसै ।
को: गेयेनए ओसै, गेयेनए ओसै
रैन्या गेले रेंद, गेयेनए ओसै (२)
२. दुख दैद गेभाःज़्या, सुख मेःद गेभाःज़्या
नम वावल, ज़्यूँवल, गेलिज़्या थरिद
क्याःन्या बेला गे ज़, मीव ओसै गेधैज़्या
रैन्या गेले रेंद, गेयेनए ओसै ।
३. प्रभु ख्रीसए उमिनत घरे घरे गेवास्ज़्या
नोकसानलाई रेंद, जेयुँ तासतेच्यो
दुख ओखेमोत, बाजी दैन्या गेले
रैन्या गेले रेंद, गेयेनए ओसै ।

१७

- को: ए दाज्यू भाइर ए नाना बैनी ईस्वरए कै लिज़्या
डायुँलाव ग्रामलाई फैद डानै, हुचिके है लिज़्या (२)
१. डायुँल जेहुकिन जेयुँल डाहुया किसिज़्याव है लिद
गेबाया नैर प्रभुए ल्योदा, मिलिद जुलिद (२)
२. सोचिके नैर ताडल्च्यो अब सैसिद लिचिके
कै जैद बान्या स्वर्गताव राजल, नो येमलाई खिमिके (२)
३. गे पापीरालाई स्वर्गत बान्या तोबो ज़ लिज़्या येम
स्वर्गत बान्या नो येमलाई रास्द, नर्गलाई गेमाखिम (२)
४. गेप्रभु येसु हुन्या ले फरी चिहुना गेलाई
सैसिद गेल्या डानै डामेर, डादा ची जेलाई (२)

१८

(ख्रीस्तीय भजन ३१०)

- को: आव डाजिउताव डायेमल लाँनाके डालाई,
चाव नयेमल, चाव नयेमल
१. डा अधर्मी पापी नखँक डाहुज़्या, आव डाक्याँ रैदच्यँके (२)

- नंनी वाज़ भ्या भ्या जिउँन्या डाले प्रभु (२) नअसिक याँके डालाई (२)
२. सुए ज़ यामापालधुज़्याव नपाँए ओसैर, डालाई पैनाके (२)
भाँती भाँतीलाव नगहकर छैव नपुरूसर (२) डाल्योदा ओग्रालक (२)

१६

(ख्रीस्तीय भजन ४६६)

को: कै जैद घुम्या कै जैद सिया, कलवरी क्रुसत (२)

१. गेरैःज्या भल भल अ प्रभु येसु, नभीए धारालाई (२)
गेपाप क्याल्द नयासिउ प्रभु, गेपापी प्राइँरालाई (२)
२. गेमामें प्रभु नो क्रुसलाई गे ते, आव गेजिउ भरिल (२)
गेमामें नमिन लाकनी रील, बादल भरिल (२)
३. असिक बाज़्याव नमया प्रभु, गेलाई ब यासिके (२)
गे पापीरालाई आव गेपापनी, चाँदो ज़ छेसिके (२)
४. अ प्रभु येसु गेयुँलाव सैतान, धपैद यासिके (२)
बोम्फा वास माःती गेयुँल वैद, नँ हुद बासिन्के (२)

२०

(नौलो भजन ३०)

को: सम्जिच्यो बुझिच्यो तफे पाला चेतैच्यो,
ख्रीसत्यान लिद सोसिज़्यार मिँराए गेयेन मासैर ।

१. बाइबललाई रैःद छेःज्यार बचन होराए माथैर (२)
प्रभुलाई सरेस्द बाच्यो सेवार संगती दोनाच्यो (२)
२. ईस्वरलाई मेंःकिन नर्गल बाँचिन्या पो ते काँडु ची (२)
ईस्वरलाई मासरेस्किन नर्गलाव मेंःल बान्या ची (२)
३. साडोरो येमलाई साप्नाच्यो गेजूंनी येम ते तोबो ज़ (२)
मानुवालाव येमदा ताबाच्यो गेजूंनी येम ते ताज़्या ज़ (२)

२१

(नौलो भजन ३२)

को: खेपाः- भाःसिन्या बेलाक ए नाना बैनी तारास्च्यो जेप्रिल गालात
मेंमाः- भाःसिन्या बेलाक ए दाज्यू भाइ तारास्च्यो जेप्रिल गालात
प्राइँः- युँ हुबो भरी गेदैस्या हुन्या बर्सल

१. मानुवाल गेमादैसिदी ब स्वर्गत गेदैस्या (२)
युँ हुबो जीवन बिथैद गेसास्या गेरेंया (२)
२. सिप ल्यो गेदैके गेजूंनी येसु क्रुसत उसिउए (२)
जे गे गेदैसिके गेयुँ हुबोए (२)

२२

(नौलो भजन ८२)

को: गेधो लिज़्या बाबु आमालाई,
जयमसी गेमीं प्राइँ नैरालाई (२)

१. ख्रीसए ओपाँ थैन्या दिल हुज़्याव प्राइँरालाई,
साचो येमलाई साप्द बाँचिन्यारालाई (२)

२. सैतानए ओछल्नी भेंस्या तान्यालाई,
येसु खीसए ओभीए ओपाप छेज्यावलाई(२)
३. दुख सहिद खीसए ल्योक बाज्यावलाई,
रेए रेए खीसए ल्योक बान्यालाई (२)

२३

(नौलो भजन ८३)

- को: खेपा:- नाखार नामलाव खबर बैनी खा किताव लिज्या की (२)
मेंमा:- आव ज़ दाज्यू खीस्त्यानरालाई दुख ते बनै ची लिज्या की (२)
१. खेपा:- नाखार नामल प्राईंदा ज़ चुम चुमोए कवाईधुक्यो (२)
मेंमा:- आव ज़ दाज्यू प्रभु हुन्या दिन नजिक, नजिक ज़ हुद ले (२)
 २. खेपा:- सैतानए ओछल्ल अब गे ते गेमाबा (२)
मेंमा:- आव ज़ दाज्यू सैतानलाई रेंद गेछींदा गेमाओल (२)
 ३. खेपा:- नेहजार बर्स डादा प्रभु येसु उहुव (२)
मेंमा:- आव ज़ दाज्यू गेपापलाई घुर्द क्रुसत ओसिव (२)
 ४. खेपा:- प्रभुए उदुख आव संसारए मासैर (२)
मेंमा:- आव ज़ दाज्यू साचो प्रभु है लिद आव संसारए माबुभिर (२)
 ५. खेपा:- दुई भाइ बैना मिलिद चाव खबर गिनराया (२)
मेंमा:- आव ज़ दाज्यू मासैन्यालाई अब ते चावस ज़ गिनरासथैया (२)

२४

(नौलो भजन ६)

- को: खर्क ज़ तामेंच्यो, खीस येसु प्रभुलाई,
खर्क ज़ तामेंच्यो, ईस्वरए ओपाँलाई (२)
१. मेंद ब तालिच्यो, बेला ज़ तुईहुके
नो बेला हुन्या ले, बाइबले है लिज्या (२)
नेयेमल बाज्यावरालाई, बेला ते तुईहुके (२)
 २. मेंद ब ताबाच्यो, प्रभुए ओपाँलाई
नो बेला हुन्या ले, न्यायल बान्यालाई (२)
नेयेमल बाज्यावरालाई, बाँचिन्या येम माले (२)

२५

(नौलो भजन १५)

- को: चाव खबरलाव बचन घुर्द उकाला उराला,
कैताक भैल कैताक गोल दाँदाताव चौपारी (२)
१. पापै पापल लिज्याव गेक्याँ गेएया येसुलाई,
पापए घुरलाई हाइदचासिक्यो येसुए गेलाई (२)
 २. बेला नजिक केसुहुधुके चाँदो ज़ हुचिके,
पाप वाज़ दान्या माःक जेयुँलाई सुहुप्यो (२)
 ३. पापए भोखारी क्याल्ल्याए जूनी येसु ज़ हुधुके,
पापए घुरलाई ओल ज़ घुर्द क्रुसत भुन्दिके (२)
 ४. संसारलाव प्राईं ज़ दाज्यूर भाइर जेयुँलाई सुहुप्यो,

बेला नजिक हुधुके येसुलाई सरेस्च्यो (२)

२६

(नौलो भजन ८६)

को: तासहुच्यो जेयुं भाःसिन्या लिद जेप्रिलर रास्द

अदैच्यो बरू जेपिल्लाई आख ख्रीसलाई चेतैद

१. ताघच्यो आख जेप्रिलर रास्द भाःसिन्या है लिद हुन्या ज़ ले ए आव बेला तछा प्रभुए ओगोईं ज़ ।
२. भाःसिकाव प्रिललाई अदैद आख ख्रीसनी गरेया भाःसिउकिन पाला बचनलाई थैद ख्रीसनी गरेया ।
३. आव छाती फुलिज्या भाःसिन्या बेला डायुं ज़ गोइदचाँज्याव गैन्या ज़ गेले नो चाव गित स्वर्गत रेंद ज़ ।
४. धुक धुक ताज्या आव डायुं आख भाःसिन्या है लिद सभेच्यो आख नो हुज्याव जेयुं ख्रीसलाई चेतैद ।
५. नाखार नामल जोड जेलिज्या गेलाई ब सम्जिसिच्यो प्रभुए ओगोईं ओताकिन फरी जुनी पाला गेदैज्या ।

२७

(ख्रीस्तीय भजन २३५)

को: डानै नँलाई आव था लिज्या, चाँदो ज़ प्रभु हुन्या ज़ ले

प्रभुए ओपाँ थैद नैयो, नपुरूस प्रभुनी बाँचिन्या ले

१. नँ है नलिज्या बेला माखेमे (२) खाली बेला ते खेम्द ची ले प्रभुलाई नयुं सुहुप्यो, मानी छीनी ते घन्या नले (२)
२. आख थैद रिम्क तामें:यो (२) प्रभुए ओपाँ नयुंल रैयो नँ नयुंलाई आख जाँचियो, नँ नपुरूसलाई बाँचैद नैयो (२)
३. डानै प्रभुलाई नयुं सुहुप्यो (२) आछिम ज़ ओल्योदा चाँदो हुनी नँ नपापलाई छेदचान्या ले, प्रभुए उमीं जैन्याए जूनी (२)

२८

(नौलो भजन ६)

को: आछिमकाव रैन्या छ्याम रैन्या छ्याम,

प्रभु येसुलाई जय जय ज़ ।

आछिमकाव असिकलाव छ्याम (२)

१. वैद गेसै गेभाःया आछिम येसुए उमिनत । इताव (२) असिक थाँना, हुचिके प्राईं ज़ (२)
२. संसारलाई रास्द गे ते आछिम जुनी गेदैके । क्यल्सिके आछिम गेपाप ख्रीसनी, गेदैज्या स्वर्ग ज़ (२)

२९

(ख्रीस्तीय भजन ४३०)

को: सम्जिच्यो नैर सम्जिच्यो, बाबु आमा भाइ बैनी,

गेसिउ छीनी काडु बान्या, सम्जिच्यो नैर, सम्जिच्यो

१. नँ है नलिज्या स्वर्गत बान्या (२) बान्या कै जैद नैर बान्या कै जैद ?

- पापए सागर बनै घ्योःव (२) तरिन्या कै जैद नैर तरिन्या कै जैद ?
२. अब है लिच्यो सुए लाँन्या (२) सागर होफत है लिच्यो सुए तारैन्या स्वर्ग माबाकिन सिउकिन छीनी (२) काना बान्या नैर काना बान्या ?
 ३. येसु नासरी गेजूनी ज़ (२) सिके कुसत नैर सिके कुसत साचो जुनी यान्याए जूनी (२) सिके कुसत नैर सिके कुसत ।
 ४. बेलाक ज़ चाँदो दान्या (२) जुनी दैन्यालाई नैर जुनी दैन्यालाई तछा येसु हुन्या ले (२) फाल्न्याए जूनी नैर फाल्न्याए जूनी ।
 ५. आछिम जोए जुनी दैज़्याव (२) स्वर्ग नो बाज़्या नैर स्वर्ग नो बाज़्या आछिम जोए पाप दोज़्याव (२) नर्ग नो बाज़्या नैर नर्ग नो बाज़्या ।
 ६. अइज़ जुनी दैसी येसुनी (२) हुच्यो ओल्योदा नैर हुच्यो ओल्योदा साचो जुनी दैसी ओल्योनी (२) हुच्यो ओल्योदा नैर हुच्यो ओल्योदा ।

३०

(स्त्रीस्तीय भजन ६०८)

को: छैव पुरुसए उक्किमलाई अइज़ हेला तारैःच्यो (२)

१. जेस लिज़्याव जेक्याँ ते छैव पुरुसए उक्किम ची (२)
है जैद जेक्याए ईस्वरलाई महिमा यान्या ची (२)
२. जुनी याज़्याव स्त्रीसए उक्कीए गेलाई आछिम लँःसिक्यो (२)
आव गेक्याँ गेमीं माःक आव ते ईस्वरए उक्किम ची (२)
३. छे छे डम्सिउ आँधील ताबाच्यो चुम चुमोए क्योःद लाँचिवा (२)
येसुलाई जेयुँ सुहुच्यो मानी जे ची नर्गल जेबाया (२)

३१

(नौलो भजन ३८)

को: सुख ताया आनन्द ताया स्वर्गताव गेमीं बाबुए ओल्योड ।

आहा स्वर्गताव गेमीं बाबुए ओल्योड (२)

१. बान्या ज़ गेले युँ हुबो भरी स्वर्ग देसल,
डोइन्या माःक एकम्या आव पापी संसारल ।
आहा डोइन्या माःक एकम्या आव पापी संसारल (२)
२. घन्या माले सोगो माले स्वर्गताव गेमीं बाबुए ओल्योड ।
प्राइँ ज़ बान्या धामा गेदचा सुखलाव गेमीं बाबुए ओल्योदा ।
आहा प्राइँ ज़ बान्या धामा गेदचा सुखलाव गेमीं बाबुए ओल्योदा (२)

३२

(नौलो भजन ३७)

को: आव चाव था पापल बान्यालाई,

जुनी लिज़्या पापनी ओल्ज़्यावलाई (२)

१. माताए पाप दाद ते सैतानए उधूँल लिद ते,
गेपापलाई रास्द गेबाकिन गेदैज़्या स्त्रीसनी जुनी ते (२)
२. तादोच्यो पाप गन्धकल चाँःन्यालाई,
बेला हुधुके स्त्रीस हुन्यालाई (२)
३. आव नामल ते गेक्किम माले ची,

- आव गेक्याँ ते अजम्बरी माःक ची (२)
४. स्त्री हुन्या ले गेलाई फाल्न्यालाई,
भाःसिद गेल्या स्वर्गत बान्यालाई (२)

३३

(नौलो भजन २५)

कोः बुझिद दोच्यो, येसुलाई जेमीं जैच्यो

१. जति जे ते बाइबल प्रिच्यो, जति जे ते पोंखारिच्यो (२)
येसुए माथैव, छैव गेयुँ ओमातावा सम्म (२)
२. एकम्या चाव ज़ दोद, काता मनी माताए लिद (२)
गेमीं ज़ जैन्याए जूनी, प्राईं ज़ अनाकलाव लिज़्या (२)

३४

(नौलो भजन)

कोः क्रुसत भुन्दिद सिन्या सहिक्यो,

गेपापलाई ओल ज़ घुर्द सिन्या सहिक्यो (२)

१. येसु हुके सिउनी सैसिद,
ताके अब सैतानए ओडाः चुम चुमो (२)
२. सैतानलाई गेनी खेपैद,
येसुए ल्योदा हुच्यो नैर पापलाई ख्यानैद (२)
३. उमीं मारैःज्याव ओयाः मापाँज्याव,
हुच्यो नैर सैतानलाई गेनी खेपैद (२)
४. उकुइ माचलिउ उखँ माचलिउ,
हुच्यो नैर सैतानलाई गेनी खेपैद (२)
५. दुख दैज्यावर जेजोर हुज्यावर,
हुच्यो नैर आख ज़ येसुए ओल्योक (२)
६. क्रुसए भन्दा रैद,
लरैं गेदचा सैतानस छाती थोकिद (२)
७. गेप्रभुए गेमीं राजाए,
हारैक्यो सैतानलाई प्रभु येसुए (२)
८. येमलाई फैक्यो येसु प्रभुए,
चाँदो सोच्यो नैर जेयुँ सभेद (२)
९. व्री फुइ ताताच्यो सोगो तादोच्यो,
व्री फुइ खेम्द बान्या ले गेयुँ हुबोए (२)
१०. सुख यान्या ले जाँगर यान्या ले,
सोगो दोज्याव प्राईंलाई ओल ज़ चिऊन्या ले (२)

३५

(स्त्रीस्तीय भजन ५०२)

कोः चिऊचिके, चिऊचिके सिस्तीलाव नाः चावर

आवलाई जैज्याव प्रभुए ओगहक

धनीर गरीब प्राईं मिलिद

है ल्यो धुर प्रभु धन्याबाद

१. एँ: खालाव भाःसिव, बालीर अनर
बादल, सोनो नम वाज्यावल (२)
बाजार भुर्द, नमत याछुनाक (२)
स्वर्ग ज़ केस्ज़्या आव डायुँ ते ।
२. अचम्बलाव पाँर, जै जन्तुर सोनो
पलाँव दिन सोनो रीर पाला (२)
असंख्या जातर, छुत छुत चलनर (२)
अचम्ब ताज़्या आव डायुँ ते ।
दोचिके दोचिके ईस्वरए ओसेवा
तोबो युँ जैद प्राई ज़
मिँ मिँ ज़ प्राई छुत छुतर
अब ते तान्या माले खर्क ज़ ।

३६

(ख्रीस्तीय भजन ४७३)

को: हुन्या ले (४) रिजानिकाव सोरोए चुम चुमो समैन्या ले

१. कींद गेनैज़्याव तछा हुन्या ले, ख्रीसए ओग्राका साचो तान्या ले (२)
तान्या ले (३) हुन्या ले (२) डालाई चाना हुन्या ले ।
२. नडै सोचैद यादा बालिसन्के, नँलाई रास्न्या नजिक हुद ले (२)
हुद ले (३) हुन्या ले (२) डालाई चाना हुन्या ले ।

३७

(ख्रीस्तीय भजन ४५७)

१. मेंमा:- ए दाज्यू काराव इतावकी संसारल आछिम असान्ती (२)
खेपा:- ख्रीसलाई में:किन इताव ज़ ताज़्या ज़, बैनी, असान्ती (२)
२. मेंमा:- ख्रीसलाई काराव यामें:व आव पापी सारा संसारए (२)
खेपा:- बनै सैद संसारए ख्रीसलाई याछींदा जैकेर (२)
३. मेंमा:- इताव ज़ एकमन्या तान्या रो, ए दाज्यू फरी, है लिनके (२)
खेपा:- इताव ते अब माताए, ईस्वरए ओपाँ बुभिके (२)
४. मेंमा:- मिँराए काराव यामें:व यालाई जैज़्याव ईस्वरलाई (२)
खेपा:- ईस्वरनी बुद्धि दैद ज़, में:केर यालाई जैज़्यावलाई (२)
५. प्राई:- गेपाप रास्द गेबाया जुनी याज़्यावए ओल्योदा (२)
जुनी दैद स्वर्गत गेबाया प्राई ज़ ओल्योदा (२)
६. प्राई:- ईस्वरए उमिन ओघ्यो:क, उमिन साचो ज़ ओताक (२)
साचो उमिन ओघ्यो:क, दाइनो दाइनो ओताक (२)
७. प्राई:- स्वर्गत लिद रेंद ज़ उमिन्लाई सघ्यो:न्या गेले (२)
दाइनो, दाइनो ओताक है लिद गैन्या गेले (२)

३८

(नौलो भजन ३)

को: प्रभुए ओमया संसारल प्राईए सुए ज़ मासैकेर (२)

१. बेथलेहेमलाव नाखारल येसु जर्मिके,
हुचिके प्राईं ज़ रेंद येसुलाई जय जय गेदचा (२)
२. पुर्ब त०नी जैसीराए येसुलाई चिऊहुकेर,
सुनर धुपी चरैःद नाखारल बाकेर (२)
३. जैसीराए पाँ सथैना सहरल बाकेर,
नाखारल प्राईंदा ज़ येसुए उमिन सघ्योःकेर (२)
४. गावलाराए येसुलाई साप्ना हुकेर,
येसुलाई दैद उमिन सघ्योःद बाकेर (२)
५. दुख कस्त पीर ओल्यो संसारल प्राईंदा ज़,
प्रभुलाई डादैके आव डाजीवनल ज़ (२)

३६

(ख्रीस्तीय भजन ३३०)

कोः प्रभु नमिन सघ्योःन्या डाले, नमिनत भजन गैन्या डाले (२)

१. नल्योदा डा ते डाहुज़्या प्रभु (२) डायुंनी भिती डाईंज़्या (२)
२. डायुंनी ज़ बिन्ती डादोज़्या (२) नदर्सन डालाई याँयो (२)
३. येसु नडाः डाल्योदा फकैयो (२) नमिन सघ्योःन्यालाई (२)
४. नँ नपाँए डा ते प्रभु (२) साःरो क्याँ दैन्या डाले (२)
५. प्रभु नसक्ती डालाई याँयो (२) नपाँर सथैन्यालाई (२)

४०

(ख्रीस्तीय भजन २४२)

कोः ए दाज्यू थैयो ए बैनी थैके, येसुए ओपाँलाई

नयुँल खाभिद बुभिद नयुँल, सरैस्यो येसुलाई (२)

१. कलवरी दाँदात नो तोबो क़सत (२)
जुनी याज़्याव येसुए नो छैव उभीत नो जुनी नँलाई ज़ (२)
२. जीवन गेमीं तुईंज़ा ची, ख्योःव जीवन येसुनी (२)
बुभियो आछिम ज़ पराःती बेला माले, गेप्रभु हुन्या पैंज़्याव (२)

४१

(ख्रीस्तीय भजन २४७)

कोः उभीए उभीए येसुए उभीनी (२)

१. डापापनी डालाई रास्नायो (२)
२. डापापनी डालाई छेनायो (२)
३. नअसिक डायुँल भाःदचाँयो (२)
४. सैतानलाई हारैन्या जैनायो (२)
५. जाँगरस पोखारिन्या जैनायो (२)
६. स्वर्गताव ज़गैवल लाँनायो (२)

४२

(ख्रीस्तीय भजन १११)

कोः कलवरी दाँदाताव माहा दुख सहिद प्रभु येसुए
डा मिताव पापीलाई बाँचैन्या क़सत भुन्दिके ।

१. यागिल्लैव, यातिलो, धो सहिउ पाँर सहिक्यो (२)
नो गिसो क्रुस सुघुर्द, गलगथा लाँकेर ।
२. सिपाईर प्राईं ज़ मिलिद येसुलाई क्रुसत तङ्गैद (२)
ओक्याँताव क्वार स्युदचाद गोला भाःकेर ।
३. उकुइत काँती, उखँत काँती तुँदिकेर (२)
कोखाल भालाए यागोइव सहिक्यो प्रभु येसुए ।
४. जब क्रुसत तङ्गैकेर, येसुए ओआमा मरियम (२)
घरे घरे केस्हुके येसुए ओल्योक ।
५. ए दाज्यू भाइर, ए नाना बैनी, गेपाप गेरास्या (२)
यान्या ले गेलाई जुनी प्रभु येसुए ।

४३

(नौलो भजन ३६)

- को: येसु खीसए उभीए गेलाई है दासिज़्याव,
साचो ग्रेमल जेबाज़्याव सैं जेमें:व दाज्यू भाइ (२)
१. सैतानए गेलाई साप्सिज़्याव परमेस्वरए उमींरालाई
सैसिद सोच्यो नैं मेर सैतानए ल्योनी भेंस्या तान्यालाई (२)
 २. ज़गै रैद गेतै:या सैतान लिन्या गररालाई,
ज़गै रैद गेफ्याया मिँलाई सुज़्याव साँगललाई (२)

४४

(नौलो भजन १३)

- को: खोला भै:ल खागरत, तिसरै भा:ज़्याव भरिस,
सुखलाव आनन्दस नो येमल ।
१. री छोस्ज़्याव मा:ती ज़ सङ्गतिल जाँगर दाद,
रेंए रेंए गेकेस्हुके सङ्गतिल ।
 २. री मा:ती आव गेक्याँ सा:द ज़ बान्या ले,
वैद थँज़्याव वास मा:ती आव गेक्याँ थँन्या ले ।
 ३. बतास मा:ती तछा ते भुर्द ज़ बान्या ची,
रेंद ज़ आनन्दलाव गित गेगैया ।

४५

(खीस्तीय भजन ३८४)

- को: नँ तोबो बाँचैसिउ मिँ ची येसुए उयुँ नाद
संसारनी छानिसिउ नँ ते नसाची याएके
१. नो सींलाई चिऊद बुभियो नँ ज़, उब्बालि हुनाके (२)
ईस्वरए ओराज केस्हुद ज़ ले (२) समयलाई बुभिके ।
 २. नोआलाई चेतैच्यो भल हुद याराल्क्यो, यादोव मुखए (२)
नो पाँलाई बुभिद हुधारी ताद (२) यारैयो ननैर ।
 ३. प्रभुलाई चेतैयो कुवाक लिद उकींज़्याव तोबोलाई (२)
बरदान दैद गागरी ख्यानैद (२) नाखारदा धोंनाके ।
 ४. ए डानैं आछिम थ:रैन्या पाँ ते तोबो ते लिज़्या ज़ (२)

येसुनी मया दान्या ची प्राईलाई (२) आव मौका आछिम ज़ ।

४६

(नौलो भजन २)

को: परमेस्वरए संसारलाई खीस येसु यासिक्वो

हो हा हा हा हो ।

१. पापनी रास्झ्याव खीस येसु जींदो ज़ लिझ्या (२)
फरी आव संसारल ओल्द हुन्या ले (२)
२. ओल ज़ लिझ्या संसारलाव प्राईरानी घ्यो:व (२)
साचो येमई सतैंझ्याव माचाव येमलाई मानैंझ्याव
गेजुंनी ज़ कुसत उभी सभोझ्याव (२)
३. ओल ज़ लिझ्या पापीरालाई पापनी रास्झ्याव (२)
पुर्ब पछचूँ उत्तर दखिन यारासम्भैच्यो
कोना काप्चा नाखार जीदा यारासथैच्यो (२)
४. ओल ज़ लिझ्या गेदुखर सैद याझ्याव (२)
येम बिरेद बाझ्यावलाई साचो येम पैच्यो ।
चुम चुमोल स्याँवरालाई यारासोचैच्यो (२)

४७

(खीस्तीय भजन १६५)

को: हुच्यो प्राई ज़ जुनीलाई सापद जुनी दैद, स्वर्गत राज गेदचा

१. गे ते प्राई ज़ पापी गेल्यो गेबारिके नासल (२)
नासनी गेलाई बाँचैन्यालाई, येसु हुके नामल (२)
२. येसु नँ ज़ नामल हुद नदासिके मया (२)
गेखाल ज़ लिद आछिम, नदासिके दया (२)
३. याजोर हुवर यारुँ हुपद येसुए ल्योक हुद (२)
यारुँ हुपद गराँद ज़, याझिमदा ज़ बाकेर (२)
४. गे ते प्राई ज़ पापी गेल्यो गेबारिके नासल (२)
नासनी गेलाई बाँचैन्यालाई, येसु सिके कुसत (२)
५. मिँराए पाप ओल ज़ घुर्द कुस सीत सिके (२)
खादर जील सोला लिद, सिउनी सोके छीनी (२)

४८

(नौलो भजन १८)

को: चिऊक चिऊक बाधुके दिन साल मैना

खेम्या बेला उहुव था मालिझ्या

हुरिझ्याव राजा प्रभु खीसलाई

जय जय ओताक जय जय ओताक

खेम्या बेला हो ज़ आव हो ज़ आव

१. ताझ्याव भरिए पाला है ज़ लिझ्यार
बचने पाला है ज़ लिझ्या
बिनास हुद ले खेम्या हुद ले,

- ओल्द हुचिके प्रभुए ओल्योदा (२)
२. हुरिज़्याव राजा भाःसिद लिज़्या
उमीर इनाम यान्यालाई तयार
यायुँ माहुपज़्यावर सजा यान्या ले,
नयुँ सुहुप्के जेरो डादीज़्या (२)

४६

(ख्रीस्तीय भजन ५४२)

- कोः सोद चिऊचिके नमदा साःरो सोरो पुलुस्द ले
सोद थैच्यो बतासदा साःरो खबर रैकेव
रेंद ज़ लिन्या आव, सुखस लिन्या आव
येसु राजा उजर्मिउ चाव खबर, जे गे गेजूनी ज़ (२)
१. चुम चुमो आव मानुवाल पलाँ रैक्यो ओल ज़
हार मानिउ गेजुनील आस रैक्यो ओल ज़ (२)
ख्रीस येसु गेजूनी ज़ मिँ मिन्सिद हुदचासिक्यो
नँलाई डालाई बाँचैन्यालाई मानुवाल हुदचासिक्यो ।
२. बिना गोइँलाव गेजुनील प्रभु हुके मानुवाल
ओएः माल्यो गेजुनील प्रभु स्याँके दोँथोल (२)
साचो येम सोनो जुनी याना मिँ मिन्सिद हुदचासिक्यो
नँलाई डालाई बाँचैन्यालाई मानुवाल हुदचासिक्यो ।

५०

(नौलो भजन ५)

- कोः गेसास्या गेरेंया स्वर्गत बाबुए ओल्योड (२)
१. चुम चुमो आव नामल पलाँ रैक्यो (२)
ख्रीस प्रभुए संसारलाई मया दोक्यो ।
२. ख्रीस प्रभु संसारल ओल ज़ हुके (२)
संसारल प्राइँलाई ज़ आस याना ।
३. सोक चिन्ता माताए स्वर्ग राजल (२)
सुखए सब्याल्लिसउ स्वर्ग राजल ।
४. चुम चुमो माताए स्वर्ग राजल (२)
चाकज्याराए सघ्योःकेर प्रभुए मिनलाई ।

५१

(ख्रीस्तीय भजन ४२)

- कोः गैद गेबाया प्रभुलाई सघ्योःद गेजूनी उजर्मिउ छचाम
रेंद गेबाया येसुए उमिनत सथैद साःरो पाँलाई
गेजूनी उजर्मिउ छचाम, गेजूनी उजर्मिउ छचाम
गैद गेबाया प्रभुलाई सघ्योःद, गेरेंया येसुए उमिनत
१. खुसीलाव आव चाव था, प्राइँदा ज़ ओकेस्नाक (२)
ओल ज़ हुके प्रभु संसारल, गेनैया ओल्ललाई गेयुँल ।
२. स्वर्ग राजलाव सुखलाई ख्यानैद, हुके मिँ मिन्सिद (२)

- ओल ज़ हुके प्रभु संसारल, गेनैया ओल्लाई गेयुँल ।
३. पापीराए बिन्ती थैन्यालाई, स्वर्गताव यामलाई फैक्यो (२)
ओल ज़ हुके प्रभु संसारल, गेनैया ओल्लाई गेयुँल ।

५२

(स्त्रीस्तीय भजन १०८)

को: नेपाली पापी युँलाई चोखैद, येसुए ल्योक गेबा (२)

१. पिलातुए येसु ज्यूलाई कोर्नै रैद री:क्यो (२)
क्रुस घुर्न्या कुरेनी भाइए, येसुलाई सघैक्यो (२)
२. प्राईं ज़ खैद येसु ज्यूलाई काँती तुँदिकेर (२)
गे भरी प्राईंए पापए घुरलाई, येसुए घुर्द यासिक्यो (२)
३. क्रुसतिन भीए धारा बनै घ्यो:व हुके (२)
पापी पाईंए दैन्या जुनी, आनी वाज़ लिज़्या (२)
४. गलगथाताव दाँदात येसुलाई भुन्दैकेर (२)
उयुँ नाज़्याव प्रभुए गेलाई, उजिउ भा:द यासिक्यो (२)
५. सुक्रबार छचाम रिम्दाडाव पख येसुए उस० फ्याके (२)
खादरल भा:सिउ गेप्रभु ते, सोलात ज़ सोके (२)

५३

(स्त्रीस्तीय भजन २२३)

को: चाव खबर थैन्या आछिम आव, ए डानै नजुँनी ज़ आव (२)

१. थैचिके नैर आव डमो पाँलाई, है लिज़्या येसुए (२)
हुचिके प्राईं ज़ थाकिव मिँर, संसारल पापए (२)
२. छुत येम माले स्वर्गत बान्या, येसुकिन छुत येम (२)
काराव ल्यो ताकिन क्रुसत उजिउ, गेजुँनी ओभा:व (२)
३. हुचिके नैर गेचिऊया प्राईंए, येसुलाई क्रुसत (२)
गेरास्या लोभलाई गेरास्या लन्था, स्वर्गत बान्यालाई (२)

५४

(स्त्रीस्तीय भजन २३७)

को: थैचिके नैर, आव साचो पाँलाई जेजुँनी लिज़्या ज़,
गरीबर सोनो धनीराए जुँनी, बाँचिन्या री ज़ आव,
ईस्वरए ओज़ा, आव नामल हुके, मासरेसर सुए ज़
पापीलाई जुनी यान्यालाई सिके, आव पाँलाई बुभियो

१. मयार मोहो गेलेवा वाज़, संसारल नेलाकाव,
धर्मर कर्म, ओयेन ज़ माले, आव मनी बुभियो (२)
जुए तुपी जासिद प्रभु, क्रुसत भुन्दिके ।
पापीलाई जुनी यान्यालाई सिके, आव पाँलाई बुभियो ।
२. बाँचिन्या येम ते साप्ज़्यार मिँराए संसारल प्राईंदा ज़
पापल गदिउ नो मिँलाई आछिम तोबो ज़ लिज़्या येम (२)
साचो येम ते तोबो ज़ लिज़्या, स्त्रीस येसु प्रभु ज़
उहुप्किन गेयुँ, ए डानै आछिम, गेदैज़्या जुनी ज़ ।

५५

(ख्रीस्तीय भजन २७०)

को: सम्जिच्यो आछिम ज़ ईस्वरलाई रास्चिके आछिम ज़ संसारलाई
संसारदा ओल्द ताबाच्यो गन्धकनी चाँऽयाव में: लिज़्या (२)

१. पाप वाज़ दाद आछिम ते संसारल डोइद जेलिज़्या ।
संसारलाई आछिम ज़ रास्चिके, सम्जिच्यो आछिम ज़ ईस्वरलाई (२)
२. संसारलाव रितिथितीए खादिन ची राज्या ओदोऽयाव
प्राइँए ज़ गेदैव ईस्वरए माखेम्या राज्या दोऽयाव (२)
३. संसारलाव कुधु नो येमराए नर्गदा गेलाई लाँसिऽयाव ।
गेजिउताव गेबाऽयाव नो येमल प्रभुए गेलाई लाँसिऽयाव (२)

५६

(ख्रीस्तीय भजन ८१)

को: येसुए उमिन सारा संसारल प्राइँलाई ज़ बाँचैन्या

१. मानुवाल हुद, क्रुसत भुन्दिद सतैक्यो ओमया
पुरूस बाँचैन्या, युँ होलाँए जूनी येसु ओल ज़ सिके ।
२. स्वर्गए धुँल, मिँराए खाल छुत काता मिन ज़ माले
येसु मिननी वाज़, आव मानुवाल पापीर बाँचिर ।

५७

(ख्रीस्तीय भजन ५००)

को: नेपाल गेमीं जर्मिउ पो ची, नेपाल गेमीं जर्मिउ पो ची
देस बिदेस गेबादी ब नेपाल गेमीं जर्मिउ पो ची

१. चार दिनलाव गेजुनील डोइद गेले आछिम (२)
सु ची ओल्यो स्वर्ग लाँन्या, सु ची ओल्यो गेमीं (२)
२. खर्क ज़ माखेम्या पोलाई रास्द, मानुवाल हुके (२)
मानुवाल मिँ मिन्सिद स्वर्ग पोलाई रास्क्यो (२)
३. संसारलाव बजारल एकम्याकाव जात्रा (२)
जर्मैसिक्यो परमेस्वरए आव बेलाक गेलाई (२)
४. में:लाई रँ:द कोलापीए ओक्याँलाई ब हिप्ज़्याव (२)
येसुलाई रास्द गेबाकिन ते, पापए नर्गल लाँऽयाव (२)
५. संसारल फिली मिलिउ बनै चाव चाव फिमर (२)
आव गेजिउत जुनी दैद, येसुलाई चिऊच्यो (२)

५८

(ख्रीस्तीय भजन २०५)

को: सम्जियो बुभिक्यो नयुँल नैयो बिन्ती लिज़्या
प्रभुए खुल्निऽयाव नँलाई दाज्यू नाना बैनीर गे भरी प्राइँलाई ज़ ।

१. ख्रीस हुके आव संसारल पापनी हाईना गेलाई
सहिद दुख सोबोक्यो उभी गेपाप छैन्यालाई, स्वर्गत लाँन्यालाई ।
२. गेसां गेमिन उलिऽयाक, गेसम्जिया प्रभुलाई
पाप दाद, संसारल डोइद काराव जेलिऽयाव, हुचिके प्रभुदा ।
३. फैके नँ ज़ नयुँलाव ग्रामलाई, फैद नैके, भाइ

लिन्या पैज्याव नयुंल प्रभु, नयुं, नक्याँए, हु एके प्रभुलाई ।

५६

(ख्रीस्तीय भजन ३४३)

१. पैनाके प्रभु नसेवा दान्या एकम्या नँलाई
जैदयाँके होलाँ सोगोलाव डायुं चेतैद नमिन्लाई ।
पाँनिके प्रभु भाःसिद डाले (२) थैन्या नो चाव नथा
सधैनायो नमिनत लिन्या माहुद डालाज (२)
२. डापैज्या प्रभु, नयेमल बान्या एकम्याकाव छ्याम
लोभोए डालाई तेद ज़ नैनाव डार्सा ज़ माहुए
पैनाके, प्रभु, नसेवा दान्या (२) मादाद लोभोर
धन्याबाद, लिज्या प्रभु येसुलाई, डाताक मालुभी (२)
३. साचो ज़, प्रभु, आछिम ज़ डालाई बाँचैद ननैनाए
छैव नपुरूस नयाका दैद डाताके भागिमान
रैदयाँके प्रभु आव डाजिउ नँ ज़ (२) नँ माःती छैवस
नज़गै पलाँ वाज़ ओताक आव डाजिउ भरिल (२)

६०

(नौलो भजन)

- कोः साचो येम ते येसुनी गेदैके (२)
स्वर्ग बान्या नो येमलाई गेदैके, बाँचिन्या येसुनी ।
आव गेक्याँ स्वर्गत साचो ज़ बान्या ले (२)
१. पापनी गेलाई येसुए हाइसिक्यो (२)
येसुए मया गे पाइँलाई दासिक्यो, थैच्यो आव थालाई ।
आव थालाई थैद ज़ उछींत गेबाया (२)
 २. दाज्यू भाइ ए नाना बैनी (२)
आछिम थैद पराःती तामेंःच्यो, प्रभुए ओपाँलाई ।
आव पापी संसारल बाँचिन्या येसुनी (२)
 ३. येसु गेमीं स्वर्गताव साँचा (२)
येसु माल्यो आव जीवन चुम चुमो, येसुलाई तामेंःच्यो,
गेपुरूस बाँचिज्या येसु प्रभुनी (२)

६१

(नौलो भजन)

- कोः येसुए गेलाई खुल्सिज्याव ताबाच्यो नो येम रास्द
खेम्या ह अइज़ आव जीवन गेमील गेप्रिल रैद
१. गेओल्या नो येम दुख लिज्या चिऊचिके संसारल,
अजम्बरी जुनी गेदैज्या गे ते येसुए ओपैसिउ येम ।
 २. पर्दपद पाद दलिन्या लेर येसुलाई मेंःज्यावर ।
पुरूसनी बाँचिन्या लेर येसुलाई साप्ज्यावर ।

६२

को: बेला नजिक नजिक हुद ले, डल्द लिन्या बेला माले (२)

जेरो प्रभु है दोच्यो, नपिछाल नैसिके (२)

१. मानुवाल हुरी बतासए, लाँवा लाँवा जैसिज्याव (२)
प्राईदा प्राईदा भाल्सिक, अदैसिन्या पो ज़ माले (२)
२. डल्द लिन्या बेला माले, सैसिद भाःसिद लिन्या (२)
प्रभु येसु चिहुन्या ले, सैसिद ओलस गेबाया (२)

६३

(ख्रीस्तीय भजन ४६)

को: ओहो बनै रैन्या खुसीलाव दिन हुके

जुनी याज्याव प्रभु ते बेथलेहेमल जर्मिके

ओल ज़ लिज्या डायुँल ख्रीस राजा चुसिद (२)

जय जय भाउज़ा राजालाई जय जय एकम्या (२)

१. ईस्वरए उयुँलाव ओज़ा प्रभु ख्रीस स्वर्गत तह महौ (२)
भावज़ा जैसिद स्याँके दोँथोल, संसारल ज़िम्ज़ा ताद ।
२. सुन चाँदी माले, धुप मनी माःक, आव डाक्याँ डाईज्या (२)
गोथ मिताव डायुँ छेदचाद आछिम प्रभु नँ ज़ बासिन्के ।

६४

(ख्रीस्तीय भजन २१)

१. बेधार लाद लाद नम नुपनाद भयाके
दे अब यारारैकेर गावलाराए गोथक (२)
२. में: छचोक गावलार पाई ज़ ग्वाँगिल चुसिकेर
सु सु याखोरल बेधार पाई ज़ पसिकेर (२)
३. प्राईदा ज़ चुम चुमो ताद नक वाज़ पलाँ ताके
आव पलाँ काता है लिद गावलार सोकेर (२)
४. चाकज्या यालाप्क रँःद गावलार छेःकेर
ताछेःच्यो थैचिके पाँ है लिद यासम्भैक्यो (२)
५. हारराए गोथल थैच्यो बेथलेहेम नाखरल
पापनी रास्ज्याव जर्मिद ले चिऊनाच्यो नो पोल (२)
६. बेधा गोथ पाई ज़ रास्द गावलार बाकेर
प्रभुलाई रँःद पाई ज़ फुलुप्सिकेर (२)

६५

(ख्रीस्तीय भजन २६)

को: डायुँलाई होलाँ जैदचाँज्याव, नो पलाँव सोरोए

बेथलेहेम नाखारल नो ज़िम्ज़ा गोथ, येसु जर्मिउ ज़िम्ज़ा दोँथो ।

१. चुम चुमोए खाल पलाँव ज़लाँ रैक्यो (२)
मानुवालाई पापनी बाँचैन्या साचो गज सोचैन्या
सैसिद सोचिके, भाइर, येसुए ओयेमल बान्यालाई,
डायुँलाई होलाँ जैदचाँज्याव नो पलाँव सोरोए

२. आव रील रेंद गेलिया, आव नामलाई पलाँव गेजैया
चाकज्याराए गैज्यार गित, भाउजा खीसए उमिनत
गे ब गेगैया ह गित, भाउजा खीसए ओसोव,
डायुँलाई होलाँ जैदचाँज्याव नो पलाँव सोरोए ।

६६

(ख्रीस्तीय भजन ४५)

को: बनै रेंन्या दिन हुके मानुवाल
सास्द रेंद भजन गैद प्रभु येसुनी

१. हुचिके बाबु आमा हुचिके प्राई जवानर
गात गा सखैद गेगैया खीसए उमिनत (२)
२. गे प्राई ज गेल्यो चुम चुमो बलखादाल
हुके प्रभु मिँ मिन्सिद नो बेथलेहेमल (२)
३. सास्च्यो आख भाइ दुस्त सैतानलाई
सोद भाःसिद जेरो गेदचा भाउजा येसुलाई (२)

६७

(ख्रीस्तीय भजन २२८)

को: सोचिके सोचिके नैं मेर परमेस्वरए ओपाँ थैन्यालाई

१. आव चुम चुमो पोल लिद ज सैतानए ओछल्ल गेपरिके
काराव प्रभुलाई जेमासाप्ज्याव, काराव साचो प्रभुलाई जेमापुजिज्याव ?
२. जोलाई जे ते जेयुँ जेसुहुप्ज्या, जोलाई जे ते आस जेदोज्या
निरासल जे ते बान्या जेले सैतानए ओछल्ल बान्या जेले ।
३. हुचिके युँ सुहुप्द हुचिके, आव रेंन्या थालाई थैचिके
प्रभुए ओपाँलाई परिचिके, जेपुरूस प्रभुनी बाँचैचिके ।
४. कुधु बर्स डादा तछाकाव छयाम बेथलेहेमलाव नो फिमजा नाखारल
परमेस्वरए ओजा प्रभु हुके, हारए गोथल येसु जर्मिके ।
५. स्वर्गत लिज्याव गेबाबुए गेलाई ओल ज उयुँ नाद ले
गेक्याँताव पापलाई चिऊदचाद तोबोका तोबो ओजा यासिक्यो ।
६. आव पापी संसारल हुद ज स्वर्गताव पाँलाई प्राईदा सथैक्यो
प्रभु खीस कसत उसिव गेपाप ओल ज घुर्द यासिक्यो ।
७. गेजुँनी दुख कस्त सहिद गम जील सोला लिद यासिक्यो
प्रभु फरी सैसिद सोके ज सोनो स्वर्गताव ग्रामलाई फैदचासिक्यो ।
८. प्रभु खीसए पापलाई हारैक्यो गे प्राईलाई कसत लँसिक्यो
मालंधुन्या उभीलाई सोभोक्यो, युँ हुबो प्राईलाई बाँचैसिक्यो ।
९. हुचिके नैं मेर हुचिके, पापलाई रास्द आछिम ज हुचिके
जेपापलाई रास्द ज ख्यानैच्यो, प्रभुस पापए माफी निचिके ।
१०. कस सीताव उभीत जेयुँ सुहुप्च्यो, सैतानए ओयेनलाई रास्चीके
प्रभुए ओपाँलाई परिच्यो, एकम्या प्रभुस पोखारिच्यो ।
११. तछा प्रभु फरी हुन्या ले, युँ हुबो प्राईलाई बाँचैन्या ले
युँ हुबो प्राईलाई स्वर्गत लाँन्या ले, सैतानलाई नास जैन्या ले ।

६८

(स्त्रीस्तीय भजन ३५)

को: चिऊचिके नो नमदा सोरोए ओपलाँ

भाउज़ा प्रभुलाई चिऊना गेबा मादाद दिलो ज़ (२)

१. ईस्वरए ओपाँ सयोःन्याए जूनी हुके प्रभु जगतल (२)
मिराए यादुख सैन्याए जूनी स्याँहुके धोंथोल (२)
(गावलार अचम्ब ताद) २ रँ:द चाकज्यालाई
यास०र हुद रेंद बाकेर नो पाँलाई सथैना (२)
२. सोरोलाई चिऊद केस्न्याए जूनी बाकेर जैसीर (२)
भाउज़ालाई रँ:द भिती चरै:द यायुँ होलाँ जैकेर (२)
(पापीर प्राइँए याधर्मदाता) २ मिँए रूप जैसिके
वास्ता मादाद हाँ गोर गेबा प्रभुए ओल्योदा (२)

६९

(स्त्रीस्तीय भजन ५४)

को: थैचिके डानैर, येसुजी आव मानुवाल हुके

१. मानुवाल हुके, पापनी रास्ना (२)
डोइद लिज्यावराए जूनी येसुजी आव मानुवाल हुके ।
२. स्वर्गताव बाबुए तोबो वाज़ ओज़ा (२)
मिँए ज़ा जैसिद हुके, येसुजी आव मानुवाल हुके ।
३. मारँ:ज्यावलाई मी, मापाँज्यावलाई पाँ (२)
माथैज्यावलाई सथैना, येसुजी आव मानुवाल हुके ।
४. कुरीर, दुँदार यासगराँक्यो (२)
सिउर यासोचोइक्यो, येसुजी आव मानुवाल हुके ।
५. गे प्राइँ ज़ पापल गदिद गेल्यो (२)
ओमया सतैँद यासिक्यो, येसुजी आव मानुवाल हुके ।
६. गेपाए ओदोए कुसत सिके (२)
चोखो उभी सभोक्यो, येसुजी आव मानुवाल हुके ।
७. खीस उसिउत खादरल नैकेर (२)
सोलात सैसिद सोके, येसुजी आव मानुवाल हुके ।

७०

(स्त्रीस्तीय भजन ८८)

१. संसारलाव बाँल, प्राइँदा ज़ चिऊक, पाप वाज़ थुपैसिउ बिचारिचिसाँ ।
२. सैतानए खुल्सिज्याव, क्याँलाई सेल्ज्याव, पाप ज़ भेंसिज्या, बिचारिचिसाँ ।
३. पापए सै ज़्याद युँ स्यासे तेके, पुरूसलाई नास जैक्यो, बिचारिचिसाँ ।
४. पुरूसए ओगती बाबुए चिऊद, ओज़ालाई यासिक्यो, बिचारिचिसाँ ।
५. गेपाप घुद येसु ज़ सिके, उभीए लँ:सिक्यो, बिचारिचिसाँ ।
६. सोला ताके, सैसिद सोके बाँचैक्यो पुरूसलाई, बिचारिचिसाँ ।
७. येसुए उगुन गे प्राइँए दैद, उपुरूस यासिक्यो, बिचारिचिसाँ ।
८. छैव उपुरूस प्राइँए ज़ रैच्यो, उमिन्लाई गेसध्यो:या, बिचारिचिसाँ ।

७१

(ख्रीस्तीय भजन १३८)

को: चाँदो हुन्या ले, येसु राजा (२)

स्वर्गताव चाकज्या ओलस रैद बादल जील येसु हुन्या ले

हालेलुया (४) येसु डाराजा फरी हुन्या ले

१. जिम्जा जिम्जा मोतीर प्राई ज़ योःद चाव मोती लँःज्याव स्यासो
यारुँ हुज्याव प्राईरालाई स्वर्गताव राज्या पाला ताज्या इताव ।
२. नामल मोसिउ धनलाई दैद ओएँ: भरी प्राई ज़ योःज्याव स्यासो
लँःज्यावलाई नो ओए: ल्यो एँ: स्वर्गताव राज्या पाला ताज्या इताव ।

७२

(ख्रीस्तीय भजन १७४)

को: प्रभुजी, नँलाई काता ची चरैःन्या, आव डाक्याँ भरी प्राई नमीं ज़
धन्याबाद नँलाई एकम्या, डापोखारिउ ओकेसुहुक नल्योड ।

१. अचम्बलाव नमया नसरैके डाक्याँत
डा अधर्मी पापीए डापापनी नरास्नाके
धन्याबाद प्रभु येसुलाई ।
२. येसु ख्रीस राज दान्या प्राईराए यारुँल
पैज्याव दोरैःन्या अजम्बरी जुनील
चाँदो ज़ हुचिके ओल्योदा ।

७३

(नौलो भजन ४)

को: प्रभु येसु हुन्या पैज्याव,

सोद चिऊच्यो नमदा प्राईए स्वर्ग फैसिव लिज्या ज़ ।

१. हिउँचुली होफत नो भेंव गोंत, छेरो छेरो बतास लिज्या (२)
सुख (२) रेंन्या (२) ओर्गा थासुहुद ज़ ले (२)
२. कलवरी दाँदा होफताव गोंत, येसुए उभी आलो ले (२)
जुनी (२) रेंन्या (२) ओर्गा थासुहुद ज़ ले (२)

७४

(ख्रीस्तीय कोसर १७१)

को: किताव डातोसिउ (३) डा ते येसुए ल्योदा बाद ।

१. माचाव डादोज्याव भरी डारास्थुके (३) ,, ,,
२. माचाव डाज्युज्याव भरी डारास्थुके (३) ,, ,,
३. माचाव डावज्याव भरी डारास्थुके (३) ,, ,,
४. एकम्या डाबाज्याव पो डारास्थुके (३) ,, ,,
५. एकम्या डाचिऊज्याव भरी डारास्थुके (३) ,, ,,

७५

(नौलो भजन ५६)

को: पुर्ब पलाँ ताके पछ्युँ चुम चुम ताके

रेंन्या खबर हुके सोच्यो मिँ जातिर

१. फौजी ताद गेस्यानाया नाखार नाखार बाद

सत्यालाव राँका तेंद प्राईं पो पोड
पापनी छेसिन्या गे येसु छैव नभीए
सैतान हारिन्या ले सत्या साचो गाए
मिँर सोन्या लेर सत्या साचो थाए ।

२. संसार चुम चुम ताके पापए ओकोहोए
प्राईं ज़ धुली ताकेर में:ए ओलिप्काए
सत्या सैसिधुके धुत धली धली
सा:रो लाक पैल आँधी चली चली ।

७६

(नौलो भजन ६०)

को: सोद लिच्यो जवानर क्रुस घुर्द ज़,
हिमाल मा:ती छाती जैद पहर जैसिद (२)

१. मेचीकिनी काली पैल सा:रो पाँलाई सथैना
सैसिचिके मिँ जातिर येसु ख्री:ए ल्योड केस्य्या ।
२. ओहक ल्योए ओपाँलाई ताख्याच्यो खर्क ज़
कोना काप्चा प्राईंदा ज़ ओपाँलाई गेसथैना ।
३. किताव ताके संसारए दसा प्रभु येसु हुन्या छचाम
खेम्या छचाम योद हुके जेतहस लिच्यो ह ।

७७

(ख्रीस्तीय भजन १६७)

को: नयुँलाव ग्रामल येसुए कोतो कोतो जैज़्याव
फैके नयुँलाव ग्रामलाई येसु हुन्या पैँज़्याव

१. जैसिउ पैँज़्याव ओल ज़ नपाहुना आछिम
नयुँलाव व्रीनी फुडर ओल ज़ लाँव पैँज़्याव ।
२. हुन्या पैँज़्याव ओल ज़ नयुँ जील आख ज़
लाक रील एकम्या लिन्या पैँज़्याव ।
३. माथो माथो है लिज़्या नज़ूनी ज़ डासिके
माचाव नयेन रास्के नग्राम फैके डाहुज़्या ।
४. नज़ूनी ज़ जुए तुपी डाजासिके डा ते
नँलाई भेंस्या तुपी डाजास्निरिज़्या ।
५. फैद डानै डायुँलाव ग्राम हुन्के प्रभु येसु
आल हुद लिनिके है लिज़्या डायुँए ।
६. डाप्रभुए है लिज़्या अब ओल्द हुचिके
बेला चबनै बादुके ओल्द माहुए ।

७८

(नौलो भजन १)

को: आव गेक्याँ एकम्या रेंन्या मा:क ची
मया खेम्द बाज़्या जेपुरुस ख्रीसनी बाँचैच्यो ।

१. मिँए कयाँ ते गलिज़्याव वास स्यासो

- ख्रीसनी वैज्याव वासर ते प्राईं ज़ वैज्यार (२)
२. आव जुनीलाव डमो मया प्राईं ज़ खेम्या ले
ख्रीसनी हुज्याव माखेम्या मया प्राईं ज़ साचो ची (२)

७६

(ख्रीस्तीय भजन १६८)

को: थैद ज़ युँल खामिच्यो, येसुलाई जेयुँ सुहुच्यो (२)

१. सुए ची ओधुज्याव स्वर्गए धूँल मिँरालाई बाँचैन्या (२)
तादोच्यो सुए ज़ पापलाव ग्रेनर नर्गल लाँज्याव ।
थैच्यो नैर नर्गल लाँज्याव
२. पृथ्वी खेमज्या स्वर्ग ब खेमज्या, माखेमए ओपाँ ते (२)
ईस्वरए ओपाँ मिँराए जूनी ओए: ल्यो स० लिज्या ।
३. जुनीलाव ग्रामलाई फैज्याव येसु युँ हुबो प्राईंरालाई (२)
ईस्वरए राजल एकम्या पुरुस येसुस लिन्यालाई ।
४. ईस्वरए उकुइत न्याय लिज्या ईस्वरए ओयो हक (२)
बाँचैसिउ मिँलाई मारासो ओल ज़ उभीए ओलै:व ।
५. गेयुँ हुज्या येसुए ल्योदा गेबाया डादा ज़ (२)
गेयुँ ज़ हुज्या स्वर्गत येसुए पो तयार जैज्याव ।

८०

(ख्रीस्तीय भजन २०६)

१. युँ छैँव जैन्यालाई येसुए ल्योक नमाबाया, ख्रीसए उभीए चोखोइसिद ?
येसुए ओक्याँत नमाख्यासिया, ख्रीसए उभीए नमाछैँया ?
- को: नँ छैँव नमाताया स० भा:ज्याव येसुए उभीए ?
नँ नयुँ साचो छैँव माताया येसुए ओए: ल्यो उभीए ?
२. नँ एकम्या येसुस सिप सिप नमाबाज्या होए उभीए छैँव ताद ?
येसुए ओदैव सुख नमादैया ख्रीसए उभीए छैँव ताद ?
 ३. ख्रीस उहुक नक्वा छैँव माताके ख्रीसए उभीए छैँद पालो ?
नँ स्वर्ग बान्यालाई तयार नमालिज्या ख्रीसए उभीए छैँव ताद ?
 ४. पापए दाग गालो नक्वार सिउ:द ख्रीसए उभीए सछैँसिन्के
पापी युँ चोखैन्या धारा बगिज्या ख्रीसए उभीए हुर्सिहुन्के ।

८१

(ख्रीस्तीय भजन २१४)

का: फैके फैके नग्राम काराव नमाफैज्याव

प्रभु हुज्या नँलाई पापनी रास्य्यालाई

१. ओल्चिके जेपापनी प्राईं ज़ हुचिके दिलो मादाद (२)
प्रभु येसुए क्याल्दचाचिक्यो जेपापलाई फरी तादोच्यो ।
२. बुद्धिमानी डा ज़ डालिज्या है लिज्यार संसारए (२)
युँलाई होलाँ जैद यान्या येसु वाज़ लिज्या संसारल ।
३. पाप क्याल्ज्याव हुदचासिक्यो संसारल पलाँ जैसिद (२)
दाज्यू भाइ नाना बैनी हुच्यो प्राईं ज़ जेयुँ सुहुपद ।

४. क़ुसत भुन्दैकेर गेप्रभुए दुख सहिक्यो (२)
नमिन सघ्योःद डाहुज्या प्रभु डापापए घुर्स ।
५. दाज्यू भाइ नाना बैनी, काराव लिन्या सोगो दाद ते (२)
बेला माले, खेम्धुके खादिन लिन्या पाप दाद ते ।

८२

(ख्रीस्तीय भजन २२०)

१. आव सारा संसार ते मँज्याव मिताव ची (२)
नमँज्याक काताड नल्यो, नसोक काताड ? (२)
२. हिताव ज़ नी भाइ बैनीर गेलाई पाला ते (२)
गेस० ओफ्याःवकिन ते संसार ज़ माले (२)
३. सु ज़ माले संसारल पापनी बाँचैन्या (२)
येसुकिन छुत माले स्वर्गत लाँन्या ते (२)
४. रास्चिके भाइ बैनी संसारलाव माचाव येनलाई (२)
दे अब खिम्चिके स्वर्गताव चाव येमलाई (२)
५. संसारलाव मयाल डोइद तालिच्यो (२)
नल डोइद जेलिकिन नर्गल जेबास (२)
६. जेस० उलिज्याक ज़ खिम्चिके ईस्वरलाई (२)
ओल ज़ पापीराए पाप क्याल्दचान्या ले (२)

८३

(ख्रीस्तीय भजन २२५)

- को: तछा मानुवालाई रास्न्या ची तछा सिद ज़ बान्या ची
गेहुव खाली तछा नेला लिना, तछा प्राई ज़ रास्न्या ची
१. धन सम्पति, मया, मोह गेस ते माबाए
समयलाई खेर काराव भाःन्या ? एकम्या मारहिन्या नो ।
 २. खेम्या पोल सास्द रेंद गेलिज्या नो ते अन्नाकलाव ची
एकम्या मारिन्या जुनील डोइद जेलिज्या अन्नाकल ।
 ३. महल जैद, बगैचा जैद लिज्यार राजा रानीर
बगैचाल एकम्या बाज़ा माक्रिए, आव पाला अन्नाकल ज़ ।
 ४. ज़िम्ज़ा लेवा रैःसिद बाके, सेर ताक पापल
सिउकिन ते काताए चेत ज़ माले नर्गल बान्या ची ।
 ५. जगत गुरू मानुवालाव भरी सिन्याल बाकेर
सिद बाकेर राजा माहाराजा गमल ज़ खैकेर ।
 ६. पापए छयामा प्रभु येसुए उभीनी गेदैज्या
जेयुँ सुहुच्च्यो येसु प्रभुलाई नो जुनी दैन्यालाई ।

८४

(ख्रीस्तीय भजन २३८)

- को: डानै ला कुधु बाधुके, पापनी ओलन्या बेला खेम्धुके
चाव ओथा सथैना बान्या सैं क़ुसलाई ज़मद नैन्या की ?
१. येसुए उजुनीलाई चिऊचिके, साचो पाँ साचो सत्ती (२)

साचो मिँए ओगे वाज़ मिँए जुनी सतैसिउ लिज़्या
ओल उमीनी उरैःसिक किताव किताव रँःसिज़्याव की
सम्जिचिके तखेप आख, स्वर्गताव मया काराव आइज़।

२. है लिज़्यार मिँराए आज्याल समैःसिद राछ्यास ताज़्यार (२)
मया मादैद याघज़्याव ताकिन यादैक फरी रेंज़्यार,
प्रभुए ओमया माखेमो लिज़्या, गेचेतर काना ओबाव
उयुँ नाज़्या एकम्या ज़, गेसाँ गेमिन काराव ओखेसो ?

८५

(ख्रीस्तीय भजन २४१)

कोः ताचेतैच्यो आव जुनील सास्द वाज़ जेलिज़्याव
चेतैच्यो बुरू जेक्याँलाई, बाँचिद जेमाले की
आछिम ज़ तोबो रूजिके, पराःती कुबिला तान्या ले
मानी तछा आव नामल घर्द लिन्या तान्या ले (२)

१. मोंद जेनेज़्याव जेपाप घुर्द काना लाँन्या की ?
नासिन्के बुरू चाँदो ज़ घुर्द काना लाँन्या की ? (२)
ज़िम्ज़ा येम ची लिज़्या की कलवरी दाँदा केस्य्या ते
तेन्सिन्या माःक छींदा ईस्वरए डाक फुलुप्सिन्या ।
२. आलो उभी थेपो लिज़्या गलगथाताव दाँदात
प्रभुए घुक्यो क़ुसए सीं, गोपाए ओपोल (२)
चरैःक्यो ओक्याँलाई दुख सोनो कस्त सहिद
नो भरी प्राईं ज़ सहिक्यो नज़ूनी सोनो डाज़ूनी ।

८६

(ख्रीस्तीय भजन २५०)

कोः हुन्के येसु, बाँचैना डालाई

पापए आव घ्योःव भल्खादानी (२)

१. संसारलाव समुन्द्रल नसाँ ल्यो भराली (२)
दुख दर्द बुझिदचाज़्याव संसारल प्राईंलाई,
स० याज़्याव, क्योँ याज़्याव प्राईंलाई नयुँ नाज़्याव (२)
साचो पक्का धर्म याज़्याव अधर्मलाई छेज़्याव ।
२. सम्जाइ बुजाइ नराजैज़्याव, मानुवाल प्राईंलाई (२)
धर्मीलाई स्याबास याद पापीरालई सास्द,
दुख सुखलाव नैं में लिद प्राईंलाई मया दाद (२)
क़ुसत सिके प्रभु गोपाए जूनी ।
३. दिलो दाद तायासियो, चाँदो हुन्के प्रभु (२)
पापए भल हुद, आल प्राईं ज़ याबगैक्यो,
दोङ्गालाई, चावस लाँद, होफत तारैसियो (२)
जुनी याज़्याव येसु, प्रभु ल्यो गेदैक नँस ।

८७

(ख्रीस्तीय भजन ४१५)

को: प्रभुए दर्सन, येसुए दर्सन दैद ज नैर गेदोया ओसेवा (२)

१. नेपाल देसए नँलाई किनिज्याव, हुन्के बाँचैना गेलाई (२)
पुरूसर सिज्यार (२), चिऊचिसाँकी पापए सागरल ।
२. क्रुसत उजिउ प्रभुए ओल ज मानुवाए जूनी भाःक्यो (२)
ओमयालाई चिऊच्यो (२), नेपालए जूनी येसुए उयुँल ।
३. डल्न्या माःक सैसिद सोच्यो, ए भर्जाकावर (२)
आख ज दोच्यो (२), प्रभुए सेवा गेजिउ उलिज्याक ।
४. नम भयाद कप्क्यो चार दिसादा, री ज ताहुके (२)
जो दान्या तादी ब (२), आख ज दोच्यो ओमाभयाद ज ।
५. येसुए जूनी पुरूसलाई बाँचैन्या चाँदो हुन्के नँ (२)
अनर मीके (२), पाई ज दुप्च्यो येसुए दहराल ।

८८

(ख्रीस्तीय भजन २६६)

को: येसु डार्गे गावलाए, उगुन डा ते डार्गेज्या
येसुए जिम्जा ओपाथा उछीं उछीं डाबाज्या

१. पीव छी ल्यो बाँल ज डालाई छोनाज्याव
रिछो सिन्या रीदा ज डालाई दोरैनाज्याव,
ओल ज डात बादयाद दोरैदयाँज्याव डाखँलाई
धर्मलाव येमदा ज डाकुइनी क्योःद लाँनाज्याव ।
२. सिन्या स्यासो पो जिदा डालाई दोरैनाज्याव
सैताननिकाव छयाचेनी डालाई जोगैनाज्याव,
डार्सा बनै ल्यो जैद भँस्या एकम्या जैनाज्याव
ओल ओपाँनिकाव छयाचेए डाचेतर फर्किज्या ।
३. सुतुर सैतानए ओड़ाक भत्यार थाँद नैव ।
जीवनलाव खुरी ते ब्यालो ज लिज्या ची,
ओल ज डैत तेल थिदयाद डालाई उयुँ नाके
होए माखेम्या ओराजल एकम्या लिन्या डाले ।

८९

(ख्रीस्तीय भजन ४७२)

को: ख्रीसए ल्योदा हुन्के डानै, येसुए ल्योदा हुन्के डानै
जीवनलाव री चिहुद, नरीछोलाई सैःहुके (२)

१. जीवनलाव री ओल ज ची जुगु जुगु रीछो सैःदयान्या (२)
ओल्योक नरीछो नसैःहुकिन
नँ ते खर्क ज छोस्न्या नमाले जुगु जुगु एकम्या ।
२. जीवनलाव येम ते ओल ज ची स्वर्ग राजल लाँन्या ते (२)
ओल्लाई आख नरूजिकिन
प्रभुए ल्योड केस्न्या नले अजम्बरी राज्या दान्यालाई ।
३. जीवनलाव ज्याव ओल ज ची करेव युँलाई सर्वाँःदयाज्याव (२)

- ओक्याँत नकरे नसैःकिन
 नँ ते खर्क ज़ करे नमाता जुगु जुगु भरिल ।
४. तोबो वाज़ ग्राम ओल ज़ ची स्वर्ग राजल पसिन्यालाई (२)
 आव येम ज़ नहुकिन
 जुनी मनी स्वर्ग नकेस्ज़्या असिकलाव सुख दैन्याल
५. तोबो वाज़ साचो येसु ची मानुवाल प्राइँलाई बाँचैन्या (२)
 आख ओल्लाई यूँल रैकिन
 माखेम्न्या सजानी गेपुलुस्ज़्या, अजम्बरी ओलस लिन्यालाई ।

६०

(भामन्या भजन)

१. आ..... डापापए घुर कुधु ताद
 बाव डामाधुके नील ।
 आ..... डापापनी रास्न्याए जूँनी
 येसु प्रभु हुके नील ।
२. आ..... मिँराए पाप क्याल्ल्याए जूँनी
 मिँ मिन्सिद हुके नील ।
 आ..... परमेस्वरए ओज़ाए ल्योदा
 डायुँ डसुहुप्के नील ।

६१

(फाँःक भजन)

१. ईस्वरए ओज़ा आव नामल हुके पापीर बाँचैना
 नँलाई डालाई उयुँ नाद हुके सघैना ।
२. पापीरालाई उयुँ नाद उजिउ भाःकेव
 नामल हुद सोरिम भरी चाव था भाकेव ।
३. पापीराए जूँनी कलवरी दाँदात उभी सोबोक्यो
 पाप क्याल्ल्याव जुनी याज़्याव डा ज़ है यादोक्यो ।
४. मिँ मिन्सिद नामल हुके येसु नमतिनी
 जुए तुपी जास्द रीःकेर पापीए डाजूँनी ।
५. साचो डा ज़ जुनी ब डा ज़ हुन्के है लिके
 क्रुसत यासैःवत सोलात सैसिके ।
६. डा दैन्या सजा ओल ज़ घुर्द डालाई रास्नाक्यो
 येम ब डा ज़ ग्राम ब डा ज़ हुन्के है दाँक्यो ।
७. लुँए अडग्या तापुजियो नो ते मापाँए
 च्याँःसिद माबाए गोल्द मनी कान्नी ज़ माबाए ।

६२

(ख्रीस्तीय भजन १६४)

१. ईस्वर स्वर्गताव बाबुए उयुँ नाके मानुवालाई,
 गेलाई ओज़ा यासिक्यो जुनी यान्यालाई नैर, जुनी यान्यालाई ।
२. ओलस मानैद ओज़ालाई यासिक्यो मानुवाल

- युं सुहुपद पाईं ज़ रैच्यो जुनीलाई, नैर रैच्यो जुनीलाई ।
३. स्वर्गतिन येसु हुके जुनी रैदचाद
सुए ओरैव जुनीलाई नो युं दाद, नैर नो युं दाद ।
 ४. मिंए ओज़ा जैसिद येसु हुके मानुवाल
युं हुबो पाईंए अइज़ जुनी दैकेर, नैर जुनी दैकेर ।
 ५. मिं भरी पापए सागरल दोज़्यार पापलाव येन
पापलाई कपद नैद ते कैजैद तरिन्या, नैर कै जैद तरिन्या ।
 ६. जोए थैज़्याव प्रभुए अजम्बरी ओपाँलाई
होलाई जुनी यान्या ले अजम्बरीलाई, नैर अजम्बरीलाई ।
 ७. उयुं ग़ालज़्यावए प्रभुए पाईं अइज़ यान्यालाई
सैसिद लिच्यो जेयुंल अइज़ यान्यालाई नैर अइज़ यान्यालाई ।

६३

(लस्के भजन)

१. आ येसु प्रभु उजर्मिउ ड़ादा इतावनी ज़ नानील
आ कन्या लुज़ाए ज़ा घुर्केव छैव पुरूसनी ज़ नानील ।
२. अ ओआमाए उमिन मरियम ओल्यो योसेफत भर त्रिसिउ नानील
आ पुरा ताके भाःकिनकाव पाँ धर्मसास्त्रल सर्सिउ नानील ।
३. आ खाली योसेफ धर्मी ताद बीज्यात माजैद ज़ नानील
आ अलगज़ा रास्न्या पैक्यो सुराए मासैद ज़ नानील ।
४. आ तछा रील उमंज़्याक स्वर्गताव चाकज्यालाई रँःक्यो नानील ।
आ नज्या ओखत माल्यो लिज़्या घरैयो है दोक्यो नानील ।
५. आ भाउज़ा उजर्मिउत उमिन येसु नैन्या नले नानील
आ नोए उमीं भरिरालाई पापनी बाँचैन्या ले नानील ।
६. अ योसेफ मँद ओसैसिक मरियमलाई ज़ रैक्यो नानील
आ खाली ओमादैवा पै निक्याँ ज़ मासदैकिनी नानील ।

६४

(भामन्या भजन)

१. आ तोबो मिंए ओज़ानी ते दुई भाइ निल्यो दी साईंला
आ कान्छा ओबाबुए ल्योक बाद उजूं निक्यो दी साईंला ।
२. आ ओबाबुए उजूं भरी पाईं ज़ एदुक्यो दी साईंला
आ ओल ते छुत देसदा बाद पाईं ज़ खेम्धुक्यो दी साईंला ।
३. आ कुधु मैना ओतावत नल अनिकाल ताके साईंला
आ नो मिं बनै ओकरेक येन खेम्ना ची बाके साईंला ।
४. आ साहुए ते नो छोज्यालाई ऊ गावला ची जैक्यो साईंला
आ ओकरेए ओमाधुक चाःरो ज़्याव पैक्यो साईंला ।
५. आ ओचेतर ओफर्किउत ओफिमलाई चेतैक्यो साईंला
आ आबाबुए ओफिमदा ज़ बान्या युं ची जैक्यो साईंला ।
६. आ तादाड ज़ उहुज़्याक ओबाबुए रँःक्यो साईंला
आ खुसी ताद ओबाबुए लापद फिमक लाँक्यो साईंला ।

७. आ बाबु नउपर्त सोनो परमेस्वरए उउपर्त साईंला
आ डादो पापलाई रास्द याँयो डालिज्या नभरत साईंला ।
८. आ फिमलाव मिंर नोलाई रँ:द बनै ज़ रेकेर साईंला
आ मारर सै:द ज़्यावर जैद प्राईए ज़ ज़्युकेर साईंला ।

६५

(ख्रीस्तीय भजन १२६)

को: थैच्यो थैच्यो आव थालाई, थैन्या दाज्यू भाइर
सिउनी सोके गेमीं येसु, गे ज़ गेभेके,

१. येसुए गेलाई उयुं नाद कुसत सिके
सोलात ज़ सैसिद येसुए धर्म बाँचैक्यो ।
२. लाजमोनो सैतान ते ताके धुत ओपाँनी
उमिन बनै घ्यो:के गेमीं प्रभु येसु ते ।
३. हुचिके प्राईं ज़ जेयुं माहुप्द दोकाप्याल लिज्यावर
येम ते आव ज़ जुनी दैसिए गेमीं येसुनी ।

६६

(ख्रीस्तीय भजन ६२)

को: गेयुंलाव गेमीं राजा येसुलाई एकन्या गेयुंल
येसुए छैव उयुंनी गेलाई सुए ची हाइनाव के (२)

१. दिन दिनल डा ते डाक्याँत ख्रीसए ओयेनर डारँ:ज्या (२)
माताज्याव येनर येसुनी नो येन ओताज्याव डारँ:ज्या (२)
२. भयाँ खाल याव पुर्खाराए नो री डादाडाव पहरनी (२)
हुद ज़ ओच्यो जुनीलाव नो री, नो पहर येसु ची (२)

६७

१. चुम चुमो पोल ज़, दुखस लिज्यावरालाई
पलाँव डाराजैया है लिद हुके, आव गेनामल ।
स्वर्ग ओपो रास्द, गेल्योक उहुव,
मिं मिन्सिद जर्मिके, गावलाराए रँ:केर ।

को: डाधर्मी दाता येसु हालेलुया,
उपुर सु ची उलिज्याव डाप्रभु स्यासोलाई
हा आ आ हालेलुया (२)

२. गे ओल ओसिजैसिउ उमींर ज़ गे ओल्नी तावर ज़ ।
ओज़ा तान्या हक यासिक्यो, खाली ओयेन ज़ गेमाभुजिके ।
कानुनलाव येन सयो:द स्वर्गताव हक गेमीं ज़ जैदयासिक्यो,
परमेस्वर माचाहिए लिद गेनी ज़ धर्मी गेजैसिज्या ।
३. येसुलाई मानैन्या ज़ लिद यारीसए माहोल्या बनै ज़ क्रिकेर,
मिं सै:ज्यावलाई रास्दयासिके, जिम्बा गे ज़ गेताके है लिकेर ।
आव मिंलाई कुसत सै:न्या ज़ लिद क्रिए क्रिए लाँकेर,
कुसत तङ्गैन्याए जूनी माहोल्याराए कलवरी दाँदा ज़ सकेस्केर ।

४. मिं मिन्सिद हुव प्रभुलाई पापीराए याकुइत सूपिकेर,
ओखत माल्यो प्रभुलाई, भन अपराधी ज जैकेर,
प्रभुलाई खसरासो कुसत तङ्गैद उखँ उकुइत काँती तुँदिकेर,
याजोरो हुवरालाई छापद प्राईलाई ज ओरासगराँज्याव ।
५. प्रभुलाई सैःज्याव मिंराए खाल डा ब नक ज च्याँसिद डाल्यो ।
डा काताए मतलब ज डामादोए, डायुँ ब कै ज डामाजैए,
प्रभुए ल्योदा डाभाल्सिके कुस खँक, बनै लाज हुव ज डारँके,
प्रभु नँलाई डामासरेस्निउए ज निताव माचाव येन डादोके ।
६. तङ्गैसिउ कुसए ओखँक ज, डाखँए प्रभुए उभी ब छिल्सिके
डा ब सिपाईराए याखाल राम ज डाभाल्सिज्याव,
उल्ली गिल्ली दाद डानैरास डासास्ज्याव,
ओक्वाए उजुँनी ब गोला डाभाःज्याव ।
७. कुसतिन डाल्योदा भाल्सिद, डामिननी ब खुल्नाक्यो ।
डाजुँनी पोंखारीक्यो आवलाई ओपानी रास्यो बाबु,
ओहो निताव डासम्जिक, डायुँ ज बनै घज्या ।
कै जैद नरास्नाव प्रभु, डा इताव पापीलाई ?
८. प्रभु अबकिन आव डाजिउत, नँ नजुँनी वाज डादोज्या ।
प्रभु डायुँ थोरिउ ताद नल्योदा एकम्या डायुँ ओताक,
मिंए डायुँए कैताक नँलाई डामेःनिज्या प्रभु,
माहुज्याव डायुँलाई नँ ज सुहुपदयाँयो ।

६८

(खीस्तीय भजन ४१३)

कोः ए योना चाँदो बान्के निनवेदा चाव था सथैना

१. निनवे पापी सहर बान्या योनाए जाँगर मादो
जहाजल पसिद तर्सिस धोके, ईस्वरए ओपाँ माबैके ।
२. समुन्द्रल घयोःव आँधी ईस्वरए भाःद एक्यो
दुख उहुक ओपाप ओल ज, योनाए छीनी भैःके ।
३. जहाजनी हाईद ख्याकेर रील योनालाई
परमेस्वरए ओयो डाँःए, खलज गाल्क्यो नोलाई ।
४. डाँःए फूल ईस्वरलाई चेतैद योनाए बिन्ती दोक्यो
पाखाड हुद सोलाँत ज, डाँःए नोलाई वैःक्यो ।
५. नोस नेखेप ईस्वरए ओपाँ योनालाई सम्भैना हुके
सोला भरी नो येम बाद, यासथैक्यो निनवेल ।
६. निनवे सहरलाव पापीराए बैकेर ईस्वरए ओपाँ
पापनी ओल्द यापोंखारिउ, ईस्वरए अइज यासास्क्यो ।
७. नोराए ल्योदा उयुँ ओनाव योनाए ओजाँर माहुई
पापीलाई काराव बाँचैन्या लिद, योनाए माबुभिक्यो ।
८. योनाकिन ते माहान येसु मानुवाल हुके
स्वर्गनी हुद सुखलाई रास्द, गेजुँनी ज सिके ।

६. पापी मिँर गेतादी ब गेलाई दासिज्याव मया
ख्रीसए उभ्रीए छैव ताद, पापए माफी गेदैके ।

६६

(ख्रीस्तीय भजन ४६१)

- को: गेगैया प्राईए सघ्योःद उमिन मिलिद प्राई मिँराए
हालेलुया मिलिद प्राई मिँराए ।
है लिच्यो प्राई जय हालेलुया सैसिके येसु ख्रीस
हालेलुया सैसिके येसु ख्रीस ।
१. सिन्याए मिनलाई हारैद प्रभु खादरनी पुलुस्के
हालेलुया खादरनी पुलुस्के ।
भेंस्याराए भेंस्यार प्रभुए गेलाई पापनी हाइसिक्यो
हालेलुया पापनी हाइसिक्यो ।
२. सिन्याए ओछ्यास माताए अब येसुनी गेबाँचिउ
हालेलुया येसुनी गेबाँचिउ ।
प्रभु ज़ लिज्या स्वर्गत लाँन्या थैचिके ए नैर
हालेलुया थैचिके ए नैर ।

१००

(ख्रीस्तीय भजन ४८३)

- को: ए प्राई ज़ मानुवालाव मिँ भरिर, परप्रभुलाई जय जय दोचिके
रेंद आनन्दस ओसेवा दोचिके, भजन गैद ओल्योक हुचिके
१. परमप्रभु परमेस्वर ज़, गेलाई ब ओल ज़ जैसिक्यो
गे ओल ओज़ार ज़ हो सोनो ओल ओखर्कलाव बेधार ज़ (२)
२. धन्याबाद सोनो उमिन सघ्योःद ओल ओग्रामनी भिमल पसिच्यो (२)
ओल्लाई धन्याबाद चरैःद, उमिनलाई धन्याकाव है दोच्यो
३. परमप्रभु उयुँ नाज्याव लिज्या, ओल ओमया एकमन्या लिज्या (२)
हो सोनो ओल साचो ओपाँ जुगु जुगु पै थेरिउ लिज्या ।

१०१

(ख्रीस्तीय भजन ३५५)

- को: नमीं जवानीलाई हेला रेंव ताराएयो सुलाई ज़ (२)
एके नयुँ प्रभुलाई, दोरैन्या ले नँलाई (२)
जुनीलाव आव येमल, दोरैन्या ले नँलाई (२)
१. आव गेजिउ एकमन्या लिन्या माक, बान्या गेले तछा प्राई ज़ (२)
पापलाई रास्द येसुलाई दैद (२) तान्या गेले सिन्यानी होंलाँ ।
२. लोभ गेदोज्या लालच दाद मानुवालाव प्राईदा ज़ (२)
आव प्राई जात काता ज़ माक (२) तान्या गेले सिन्यानी होंलाँ ।
३. आव नजिउ प्रभुलाई एके यान्या ले असिक (२)
मानुवाल कैत, सिउकिन सुख (२) दैन्या नले ।

१०२

(ख्रीस्तीय भजन ४७९)

को: आव गेमीं जीवन ते घाम छैया स्यासो ची
आव गेमीं जीवन ते, बगिज्याव खोला ची
फर्किद माहुए बाधुव गेजीवन आव
घर्द ते मादैसी बाधुव गेजीवन आव

१. मिलिद रेंद प्राईं ज़ गेदोया जय जय ज़
रेंद गैद प्राईं ज़ सथैन्या प्रभुए ओपाँ ।
२. आछिम सोनो परा:ती बनैन्या स्वर्गताव येम
सम्भैद बुभैद प्राईंलाई ज़, सथैन्या प्रभुए ओथा ।

१०३

(ख्रीस्तीय भजन ४१६)

१. काता डा रितो कुइस, प्रभुए ल्योदा बान्या रो ?
काता तछाकाव डाय़ेनलाई मायादुन्या प्रभुलाई ?
- को: काता डा रितो कुइस, प्रभुए ल्योदा बान्या रो ?
काराव येसुए ओल्योक नमारैज्याव ननैलाई ?
२. सिन्याए जूनी छ्यास ज़ माले बाँचैनाज्याव ख्रीसए
खाली रितो ओल्योदा बान्या घज़्या आव डायुँ ।
 ३. नो बेला डादा पापल डाल्यो, फर्किद हुन्या ताकिन ते
प्रभुलाई नो यान्या डाल्यो नो येम बाद ओल उयुँनी ।
 ४. युँ हुबो प्राईं ज़ सैसिद सोच्यो, बेलाकज़ गेसा लैन्या
गे सिन्या भन्दा डादाज़ प्राईंए पुरूस बाँचैन्या ।

१०४

(ख्रीस्तीय भजन ४३३)

को: बादलकिन रेत रेत स्वर्ग पोल

डाप्रभुए राज्या दोज्याव सुख ओपोल
लपद यायो उकुइलाई काँती काँतीए
उयुँ नाद मिँराए जूनी उजिउ ओभा:व (२)

१. कैती स्यासो मिँरालाई मया यादोक्यो (२)
अन्धा स्यासो मिँरालाई, ओलस लाँन्या ले ।
उजिउ भा:द यासिक्यो पापी मिँराए गेजूनी
चुम चुमो ताज्याव आव पोल पलाँ यासिक्यो ।
२. कमजुरी युँलाई बल तागत एज्याव प्रभुए (२)
सोगो दोज्याव युँलाई हाइज्याव जाँगर, प्रभुए ।
जोए साप्ज्याव प्रभुलाई दैज्याव होए जूनी ज़
जुनी याज्याव राजालाई दैज्याव चाँदो होए ज़ ।

१०५

१. डामी भरी प्रिलर तसी, येसुलाई डासतैके (३)
डायुँलाव चोतर रैद, येसुलाई डाएके (३)

- मानुवालाव पैसाए डामाखिमए,
 साचो यूँस ज़ डाखिमो ची
 २. नैनाके येसु हालेलुया नयुँल नैनाके (३)
 आव डाक्या पापल ओल्यो, येसुलाई मापतिद (३)
 आव डाक्याताव येमर (२)
 येसुलाई माखिमद ज़ (४)

१०६

(ख्रीस्तीय भजन २६६)

को: स्वर्गत बान्या पैँज़्यार प्राईए बान्या ते नैर कै जैद
 नेपाल गेदेस बनै चाव ज़ ख्रीसए छींत गेबाज़्या

१. उकाला येमल माबाद पापए गेधुर गेलाँया
 सुखए बाँचिन्या संसारल येसुलाई गेक्याँ सूपिद ।
२. सुए ची सैँज़्याव गेघज़्याव बगिज़्या गेपिल एकम्या
 सुखलाव अर्थ में:द ते कै तान्या अइज़ बाँचिद ।
३. सास्द ते गेपिल मासा:ए घर्द ते गेदुख माखेमए
 ख्रीसए छींत माबाद स्वर्गत बान्या कै जैद ।
४. बुद्धिए घमन्द दाद ते गेजिउत गेलाई कैतान्या
 पापनी ओलन्या आछिम ज़ परा:ती दिलो तान्या ले ।
५. चिऊचिके आछिम बाबुए गेल्योदा उयुँ ग्राल्द ले
 जेपाप सोनो डापापए जूँनी ख्रीसए उजिउ ओभा:व ।
६. क्रुसताव दुख ना डमो बाँचिउ गेदैके गेजिउत
 मुख वाज़ तान्या ले नास तान्या मिँराए गेजिउत ।

१०७

१. हे हे परमप्रभु स्वर्गताव ना: चाव चोखो पो
 ख्यानैद स्याँहुके, बाछाराए खार्ल ज़ ।
 गेमीं प्रभु ओल ज़ हुके चाव गेगावला
 बाछाराए खार्ल ज़ हुके चाव गेगावला
२. गेप्पा गेधर्मी दाता माहुए प्रभु है लिद
 ताकेच्यो जेयुँ खर्क ज़, बाछाराए खार्ल ज़ ।
 जर्मिद धोंथोल स्याँके चाव गेगावला
 बाछाराए खार्ल ज़ स्याँके चाव गेगावला ।

१०८

को: हुन्के डाज़ा फ़िमल हुन्के काँर चिपर ताद ले
 काना नबाव आ: धिलो नजैव चाँदो हुन्के ओ डाज़ा ।

१. बाबुए उफ़िमल बनै चाव धन्सार बुमर सुइँमासुइँ
 ओएँ:र छेलाला यासैक युँल व्रीनी फुइ माताए ।
 बाबुए ओनोकोर मनी माकरेए प्राईलाई धोल पोगोल लिज़्या ।

२. बाबुए उफिमल नम ओभ्याक गे ओज़ार में: मुथाक
बाबु घुरड चुसिज़्या ओलाप्क आमाए नुईं स्वीडिज़्याव
गे निज़ार गे गेमीर हुद गुम्त गेस्याँज़्या ।
३. घ्यो:व डातावत बयेन थैद तादा देसल सुन चाँदी
बाबु डालाई डाजूँ याँके होडाव पोदा डाबारिज़्या
जो डायुँल हुज़्या होज़ डादचा प्राईल थाँतस रेंद
४. तादा देस ज़गै मगैव बाबुए ओपाँर दाव मापरी
मद छोकोरा ओद मनी धाप धामें जैसिन्या ताए
बाबुए उफिमल डाचर्या सिके आल सुए ज़ ता है माले ।
५. बाबुए उयुँ डाल्योदा थूव पाता क़ुसत च्याँ:सिद
डा डायेम ब चिरुव ज़ नैज़्याव खर्क हुके है लिद
ओल उयुँ ब खर्क ज़ माके:व कींवका कींव ज़ नैनाज़्याव ।
६. डाल्यो देसल अनिकाल हुद ज़्याव माथैव ताद डाल्यो
बाबुए ओपैसा प्राईं ओदैद नैराए पालो रास्नाकेर
ऊराए गावला मनी डाजैसिके ऊराए याचारो ज़ डाज़्याव
७. बल्ल डाचेतर फर्किके बाबुए उफिमदा ओल्द डाबा
पाप दाद पुप डाथलिके थाँतस लिन्या आव मा:क
बाबुए ओनोकोर मनी माकरेए प्राईंलाई धोल पोगोल लिज़्या ।
८. बाबुए डा डाहुज़्याव रेंद ओल ज़ बनै धोहुके
डालाई लापद उपिल रास्क्यो डाकुइनी क्यो:द लाँनाक्यो
घ्यो:व भत्यार जैद याँक्यो मुथाक डापो जैक्यो ।

१०६

को: हुचिके डानै मेंर येसुलाई गेसघ्यो:या,

गेप्पा ज़िम्ज़ा खैद येसुलाई गेसघ्यो:या (२)

१. गेलाई जैज़्याव ओल ज़ गेलाई डाज़्याव ओल ज़,
गे पापीरालाई मया दाज़्याव ओल ज़ (२)
२. गे घुन्या दुख ओल ज़ घुदर्यासिक्यो,
गे सिन्या पोल ओल ज़ सिदचासिक्यो (२)
३. गे पापीराए जूँनी उभी सभोदचासिक्यो,
गेलाई मया दाद नाल्यू येन दोदचासिक्यो (२)

११०

को: गेपापए घुर्स गेमाहुधुए प्रभु सेल्सिके गेकुइनी ज़ (२)

गे पापीरालाई छेसिके प्रभु नभीए नकुइनी ज़ ।

अ येसु गेचिया नभीए नकुइनी ज़ ।

१. दोरैसिके प्रभु नबाज़्याव येमल गेपाया कैताक (२)
नज़ै मगैए घिरिद नैसियो गेचिया कैताक ।
अ येसु गेचिया कैताक ।

२. गेहुज्या प्रभु नल्योदा गे ते नखँक नैसियो(३)
नमया प्राईलाई भाःदयान्याए जूनी नयेम ब पैसियो ।
अ येसु नयेम ब पैसियो ।

१११

(नौलो भजन ७१)

- कोः छुत्ति ताके आव डाजुनी सैतानए जालल परिद,
बनै दुख दैन्या ताके छुत रितीए चाल्ल परिद (२)
१. डाक्याँलाई भन्दा कोसै मया डादो खीसलाई,
सैतानए जालल परिद डामेंःधुके ओल्लाई (२)
२. डाक्याँलाई भन्दा कोसै मया डादो छेंव पुरूसलाई,
सैतानए जालल परिद डामेधुके छेंव पुरूसलाई (२)
३. संसारलाई भन्दा कोसै मया डादो स्वर्गलाई,
सैतानए जालल परिद डामेंःधुके खीसलाई (२)
४. हाइनाके प्रभु डालाई सैतानए ओजालनी,
छुत्ति ताके आव डाजुनी सैतानए ओचालनी (२)
५. खेपैयो प्रभु सैतानलाई आव संसार ज़ रास्न्या जैद,
प्रिल ते ओएः ज़ माले नम वाकाव री स्यसो ज़ (२)

११२

- कोः जोड जोड खामनी पाँज्याव गेनैर तादानी जयमसी
अबकिनी गेदैसिया नजिक जयमसी (२)
१. पछ्युँ महाँकालिनी पुर्ब मेची पै मदेस तराईनी युँचलीड पै (२)
खामराए गेखाल आव मया छुतड मादैसिए,
गेडाः गेडाः दैसिद रेंए रेंए गेगैया (२) येसुए उगुनर
फरी मनी गेगैया येसुए उगुनर ।
२. आव मया गेनी गेदैव माःक ह
आव मया येसुए उयुँ ग्राल्द ची
स्यान्या ताकिन गेस्याया
गेन्या ताकिन गेगैया (२) येसुए उमिनत ।
फरी मनी गेगैया येसुए उगुनर ।
३. आव मया एकतार ज़ चेतैच्यो (२)
खर्क मनी तामेंःच्यो येसुए उगुनर
फरी मनी ग्राका दोच्यो येसुए उगुनर
खर्क मनी तामेंःच्यो येसुए उगुनर ।

११३

(खीस्तीय भजन ४८०)

- कोः खुसीस रेंद सथैन्या संसारल प्राईलाई ज़
संसारलाव गोपाप घुर्द लाँन्या जर्मिके येसु प्रभु

मिँए चोला रैद ज़ गरीब गोथल (२)

१. गावलार ड़ादा प्रभुए दर्सन जूँनी परीद (२)
दुतगनर हुद है लिकेर रिम्दाडाव बेलाक
बाँचैन्याए जूँनी प्रभु जर्मिके दाऊदए सहरल (२)
बाद चिऊचिके प्रभुलाई छकालन्या गघ ज़ (२)
२. पुर्बडाव ज़ानी जैसीर नम्त बालसीद पाँकेर
रिम्काव साःरो सोरो रँःद बनै ज़ रेंकेर
राजाराए मनी राजा उजर्मिउ प्राल्केर (२)
परमप्रभुलाई यारुँनी ज़ धन्याबाद चरैःकेर (२)

११४

(स्त्रीस्तीय भजन ८)

१. माहान ईस्वर डाचेतैज़्या अचम्बस नजैव सिस्तीर
नमत सोरोर, नम गर्जिज़्या छे छे डम्सिउ, नसक्तिर संसारल ।
- कोः धन्या धन्या ओताक ईस्वरए उमिन, खा माहान, खा माहान (२)
२. बुखिर गोंत डादुलिक बाज़ार भुर्द गित गैज़्यार
भेंव गोंतिन डाभाल्सिक खोल खोल खोलार बगिज़्यार ।
 ३. जब परमेस्वरए प्रभु स्त्रीसलाई परीद पाप सघुन्यालाई
गेपोल कुसत ओल सिद बाँचिन्या जुनी गेलाई ताके उभी सोभोद ।
 ४. भोंकरए ओर्गास येसु संसारल हुन्या ले अचम्ब आनन्दस लाँन्या ले ।
फुलुप फुलुप क्याःद ओल्ललाई होड पुजिन्या गेले माहान ईस्वरलाई
एकतार धन्या धन्या है दान्या गेले ।

११५

(स्त्रीस्तीय भजन १३)

- कोः ओमान ल्यो महिमालाव परमेस्वर, (पापीराए पापलाई मेतैन्या) २
नल्योनिकाव दर्सन दैद थंरिउ ताद (संसारलाई रास्द प्रभुए उछींत डाबाज़्या) २
१. चुम चुमो लिज़्या आव पापी संसार, (सैतानए ओछें सोनो ओजाल लिज़्या हजार) २
नल्योनिकाव दर्सन दैद थंरिउ ताद, (संसारलाई रास्द प्रभुए उछींत डाबाज़्या) २
 २. गर्जिज़्याव ला माःती सुतुरर किज़्यार, (रीए छल्का मिताव युँलाई सचेःज़्याव) २
नल्योनिकाव सक्तिनी थंरिउ ताद, (संसारलाई रास्द प्रभुए उछींत डाबाज़्या) २
 ३. आँधीए माःती सैतान सचेःना हुज़्या, (उयुँ चावस माहुबोलाई सचेःज़्याव) २
प्रभु नपिछाल लिद थंरिउ ताद (नमिनलाई सघ्योःद धन्याबाद डाचरैःज़्या) २
 ४. स्वर्ग राजलाव फ़िमए दर्सन यासिके, (फरी तफे मानुवाल ओल्द हुन्के) २
मेंःए राँका नपुरुसए प्राइँलाई ज़ जागैसिके, (बिन्ती आव ज़ थैदचासिके) २

११६

(स्त्रीस्तीय भजन ४३)

कोः जयजय लिन्य...खुसीए...प्रभुए...ओजर्मिउ दिन (२)

१. मरियम गर्भवती ओल्यो छेंव पुरुसए,
रास्न्या पैक्यो योसेफए, दाऊदए ओज़ाए,
स्वर्गताव चाकज्याए योसेफलाई है दोक्यो

- योसेफए फरी मरियमलाई उमीं ज़ जैक्यो।
२. बेधा गावलाराए प्राईए गोथोलाई ख्यानैद
जयजय लिद गैए गैए बाकेर ख्रीसए ओदर्सन दाद
बेथलेहेम यादोज्याव ज़िम्ज़ा नाखारल ख्रीस जर्मिके,
अगमबक्ताए ओपाँव पाँ पुरा ताके'।
 ३. ज़िम्ज़ा सोरो रैंक पुर्ब देसल
जैसीर धोंहुद प्रभुलाई साप्हुकेर
भाउज़ा ख्रीसए ओदर्सन दाद यायुँर होलाँ ताके
यासुन्दुसर फैद सुन, धुप, बनै चाव सी डरोर चरै:केर।
 ४. हुचिके आछिम ज़ ए नैर, जेयुँ सुहुप्द
निचिके माफी प्रभुए ओड़ाक फुलुप्सिद,
आछिम प्रभु हुके' जुनी यान्यालाई
फरी प्रभु हुन्या ले न्याय दाना ।

११७

(ख्रीस्तीय भजन ४४)

को: प्रभु भाउज़ा ताद जर्मिके हार गोथल
प्राई ज़ खैद तखेप्त ज़ उगुण गेगैया

१. ओमया ओदया ल्यो ईस्वरए गेलाई ओज़ा यासिक्यो
होए ज़ ईस्वरए ओभार उथैद साचो येम सतैंक्यो।
२. मिँ मिन्सिद जर्मिके स्वर्ग राज्या रास्द हुके मानुवाल
छीए क्वा क्वाइसिके छीए तैं जैद स्याँके छी खाल।
३. प्रभुलाई मादैद मानुवा पापल परिउ ज़ उलिज़्याव
बाँचैज़्याव प्रभु हुके मानुवात प्राईलाई बाँचैना।

११८

(ख्रीस्तीय भजन ४६)

को: आछिम ख्रीस जर्मिके बेथलेहेमलाव नाखारल (२)

१. जैसीराए सरोलाई चिऊद (२)
गरीबए उक्किमक बाद अदिके (२), खुसी ताद भिती चरै:केर।
२. ईस्वरए ओज़ा प्रभु येसू ख्रीस (२)
हार गोथल मिँ मिन्सिद हुके (२), जयजय लिद गेगैया (२)
३. जेमीर सगरैंद सोचिक दाज्यु भाइर (२)
गेबा प्राई ज़ येसुए ओल्योक (२), जयजय लिद गेगैया (२)

११९

(ख्रीस्तीय भजन ४७)

को: तयुँ जैद हुकेर जन्म दिनत रेंए रेंए गित गैकेर
दुखए मतलब मादाद, मानुवालाई पलाँ जैकेर

१. येरूसलेम सहरलाव बेथलेहेम नाखारल
ख्रीस येसु जर्मिके हार गोथल, प्राई मिँराए जूनी
दुखए मतलब मादाद, मानुवालाई पलाँ जैकेर ।

२. प्राइरानी ओमान ल्यो पोल महिमा मिँरास खैन्या
राजाराए राजा आधा रील जर्मिके बाँचैना हुके रील
दुखए मतलब मादाद, मानुवालाई पलाँ जैकेर ।

१२०

(ख्रीस्तीय भजन ४८)

को: पुलुस्के सोरो आछिम, जगै जैक्यो नमत
आव चुम चुमो रीलाई, पलाँ जैक्यो

१. हार गोथल सेप्सिउ प्रभुए प्राइँ पापीरालाई बाँचैना
जर्मिके आछिम, जर्मिके प्रभु मानुवाल स्याँके धोंथोल (२)
२. गेरेंया आव चाव रील, चव था गेरासथैया मानुवात प्राइँदा
जर्मिके आछिम जर्मिके प्रभु मानुवाल, पलाँवाव गेराजा (२)

१२१

(ख्रीस्तीय भजन ५०)

को: धो सुइँव ताद, बेथलेहेमल, ख्रीसलाई पो ज ओमाल्यो
आजेगाल मनी मिँराए ख्रीसलाई याका ज मादोर

१. परमेस्वरए उयुँलाव ओजा (२) थोतरा गोथल स्याँके
प्राइँनी ज रास्सिके (२) प्राइँरानी गरीब ब जैसिके ।
२. गे प्राइँए गेजुँनी ख्रीसए (२) धोल पोगोल धन नैदचासिज्याव
गेदुख घुर्द (२) अजम्बरी सुख साँचिद नैदचासिउ ।
३. सजिम्सिद सिन्या पै ख्रीसए सहिक्यो (२) घाइ ज मालिके,
उमीर सभेन्याए जूनी (२) ओल ज डादा भेस्यो ताके ।

१२२

१. धुरी दाँदा ख्यानैद मधेस फाँतनी (२)
आव पोक गेदुप्सिके येसुए उमिननी ।
२. गेडा: गेडा: दैसिद रेण रेण गेगैया येसुए उगुनर (२)
फरी मनी गेगैया येसुए उगुनर ।
३. आव मया गेनी गेदैव मा:क ची (२)
येसुए उयुँ गाल्द गेदैव मया ची ।
४. स्यान्या मनी गेस्या भजन मनी गेगैया येसुए उमिननी (२)
फरी मनी गेगैया येसुए उगुनर ।
५. इताव मया एकतार ज याका दोच्यो (२)
खर्क मनी तामेंच्यो येसुए उगुनर ।
६. खर्क मनी माखेन्त्या येसुए उगुनर (२)
गरिपाला याका दोच्यो येसुए उगुनर ।

१२३

को: येसुलाई कोस्याली, येसुलाई कोस्याली,
सुन चाँदी माले धुप मनी मा:क (२) येसुलाई कोस्याली ।

१. आव गेक्याँ यान्या आव गेयुँ यान्या (२) येसुलाई कोस्याली,
भित्ती चरै:द धन्याबाद यान्या (२) येसुलाई कोस्याली।
२. प्रभुए उमिनलाई सघ्यो:न्या ज़ (२) येसुलाई कोस्याली,
प्रभुलाई खुसी जैन्या ज़ (२) येसुलाई कोस्याली।

१२४

को: अ परमेस्वर नाम नम नँज़ नजैके मिँलाई नँ नसरूपनी ज़ नजैके,
धन्याबाद (२) परमेस्वर बाबुलाई, जय जय ओताक प्रभुलाई।

१. अ परमेस्वर नजैव सारा संसारल मिँ भरी पापल गदिद लेर,
छ्या ज़ लिज़्यार नँलाई खिम्ज़्यावर हैदी ब प्रभु नमिन ओघ्यो:क।
२. परमेस्वरए तछा न्याय दान्या ज़ ले, खाली न्यायनी कै जैद पुलुस्न्या,
नाम नम ते खेम्द बान्या ज़ ले, खाली प्रभुए ओपाँ ते खेम्न्या ज़ माले।
३. नो यान्या नपैँज़्याव अजम्बरी जुनी खर्क ज़ खेम्न्या माले,
अजम्बरी जुनी याज़्याव डाप्रभु मनी नँज़ अजम्बरीलाव डाप्रभु ब नँज़।

१२५

(ख्रीस्तीय भजन ६)

१. (धन्या धन्या परमेस्वर, सिस्ती जैज़्याव धन्याबाद) २
स्वागत दाद नँलाई धन्याबाद चरै:न्या प्रभुलाई,
नमतावर सोनो नामलावर मिँ भरी प्राइँलाई याजैक्यो।
असिक प्राइँलाई ओरायोए, मानुवाल प्राइँदा याफीँजिउ।
२. (हे बाबु, प्रभु परमेस्वर, माखैव लिज़्या आव संसार) २
मिँ पापल परिद, धो रान्सिउ ताद यालिज़्याव,
चाकज्याए है लिके स्वर्गत ताज़्या एकम्न्या महिमा
मानुवाल खुसी ताद मिँरास खैन्या ओताक।
३. (नँ प्राइँए बाबु, जैसिद बाँचिन्या येम नसतैँके) २
पापलाई समैन्याए जूँनी ख्रीसलाई नपरीँके,
माखेमए खर्क ज़ मया, एकम्न्या मया नदासिज़्या प्रभु
धन्याबाद चरै:द परमेस्वरए उमिनलाई गेसघ्यो:ज़्या।
४. (हे परमेस्वर, नँलाई घ्यो:व बिन्ती डाचरै:निज़्या) २
डापापनी ओल्द डापापलाई नड़ाक डासतैँज़्या।
गेपाप भरिनी रास्द, नैसिके एकम्न्या नलाप्क
आव मानुवालाई रास्द गेहुक गेपुरुस नँस ओताक।

१२६

(ख्रीस्तीय भजन १८)

को: महिमा, महिमा, महिमा प्रभुलाई २
ईस्वरलाई महिमा ओताक, महिमा प्रभुलाई २

१. (सिउ पुरुसलाई, आसा माल्योलाई
काताल ज़ मागनिसिउ ओअर्थ माल्यो जीवनलाई) २
सा:रो कयाँ यान्याए जूँनी मिँ मिन्सिद नहुके) २

- (नमिन, ओघ्योःक, ओघ्योःक) २ ईस्वरए नमिन ओघ्योःक) २
२. (अर्क ज़ माखेम्न्या नमयाए, बाँचैज्याव चाव नमयाए,
मागोसिधुन्या तोबोका तोबो जीदो नमया) २
माल्लःसिधुन्या साचो कोस्याली (गेलाई यासिक्यो) २
(धन्याबाद, धन्याबाद, धन्याबाद) २ ईस्वरलाई धन्याबाद) २

१२७

(ख्रीस्तीय भजन २५)

को: प्रभु ते उजर्मिउ हारए गोथोल, ओपाँर सथैन्या
गे पापीरालाई फुर्सुल जैन्यालाई

१. (नो ज़िमज़ा धोंथोल ओस्याँव प्रभु ते, प्रभु ते) २
(पो भरी प्राइँदा पलाँए ओकबो) २ (ईस्वरए ज़ मिँ मिन्सिद उहुव) २
२. (गेचिऊना प्राइँए गे भरी खैद ज़, खैद ज़) २
(खुसीस रेंद जय जय ज़ गेदचा) २ (ओजर्मिउ पाँर सथैद) २
३. (गेबाया प्राइँ ज़ धो दाना बान्या ज़, बान्या ज़) २
(भाउज़ा प्रभुए ओदर्सन गेदचा) २ (युँ स्यानी भिती चरैःद) २

१२८

(ख्रीस्तीय भजन ४८४)

१. येसुए उमिननी, खेपैव गेधुए, सधोंव गेधुए
येसुए उमिननी सक्तीलाव उभीए
सैतान ते ओफौजीरास हारिन्या ले।
२. साँगलर केदचाद, उमीर प्राइँलाई, पलाःन्या ले
नासरतलाव येसुए अचम्बलाव ओसक्तीए
सैतानलाई ओफौजीरास खेपैन्या ले।
३. येसुए उमिननी (३) सक्तीलाव उभीए (२)
सैतान ते ओफौजीरास हारिन्या ले।

१२९

(ख्रीस्तीय भजन २२४)

को: भाइ बैनी, जेपापलाई छेचिके येसुए उभीए

१. परमेस्वरए राज्या दान्या बेला योःधुके
जोए उयुँ हुप्ज़्या होए अजम्बरी जुनी दैन्या ले।
२. स्वर्गतिन मानुवाल मिँ मिन्सिद हुके
पापए दल दलनी येसुए उभीए हाइसिक्यो।
३. कलवरी दाँदात भुन्दैद सैःकेर
गेपाए ओपोल भीए धारा ज़ सोभोक्यो।
४. बेला माले भाइ बैनीर चाँदो सोद हुचिके
चाव थात जेयुँ सुहुप्द अजम्बरी जुनी दैचिके।
५. पापए सागरल खादिन पै जेलिरिज्याव
प्रभु येसु तयार लिज्या पापनी बाँचैन्या।
६. तोबोका तोबो माखेम्न्या स्वर्गताव मयालाई

आव बेलाक आख ज़ निचिके दैन्याए जूनी ।

१३०

(खीस्तीय भजन ५०१)

को: सिंहासनल तह महौ लिज़्याव

परमेस्वरए उमीर ज़ गे

हुचिके परमेस्वरलाई साचो यूनी गेपुजिया

खर्क ज़ रास्दयान्या माले आव गेकुइ (२)

१. ओल उभीए ओछेसिउ छैव उमीर

ओमान ल्यो परमेस्वरए उपुजारीर ज़ गे

डादाकिन, छींङ पै

हुचिके परमेस्वरलाई साचो यूनी गेपुजिया

खर्क ज़ रास्दयान्या माले आव गेकुइ ।

२. ज़री बादल सोनो घामल मनी थोरिद गेल्या

प्राई साःरो ताव देसल बान्या गेले गे

बादल होफताव ओदेसल

हुचिके परमेस्वरलाई साचो यूनी गेपुजिया

खर्क ज़ रास्दयान्या माले आव गेकुइ ।

१३१

(खीस्तीय भजन १५)

१. ईस्वरए ओमया लिज़्या बनै माहान, बयेन दाद मनी माखेमन्या

सोरोर यालिज़्यावकिन मनी रोट, पताल्ल पै फीजिउ लिज़्या

अजम्बरी जूनीए जूनी ईस्वरए ओज़ा यासिक्यो ।

पापए सजानी पलेद पोम स्यासो पालो जैसिक्यो ।

को: ईस्वरए ओमया धोल पोगोल ज़ लिज़्या, खर्क ज़ माखेमन्या

स्वर्गताव चाक्याराए एकमन्या ज़ उमिनलाई सघ्योःज़्यार

२. सोगोलाव दिन खेमन्या ले, संसारलाव राज्या नास तान्या ले

मापोखारिज़्याव भरी प्राई सिउल ज़ गनिसिन्या लेर ।

ईस्वरए ओमया खा लिज़्या खा बनै थोरिउ माहान ज़ लिज़्या

उयुं ओनाव आदमए ओथोर लिद चाक्याराए उमिन सघ्योःज़्यार ।

३. समुन्द्र मसीए भरैसिउ, नम चिथी ओताव ताकिन

सीराए दाँकला कलम तान्य सोनो मिं भरी सन्यार याताव ताकि

सज़्याव ईस्वरए माहान ओमया समुन्द्र साद बान्या ओल्यो

मानी ते नमत सुइखेहो बयेन दाद मनी माखेमन्या चोखो ओमया ।

१३२

(खीस्तीय भजन ४३१)

को: मानुवाकिन रोट रोट किताव पो लिज़्या ?

काता नँ बिचार नदोधुया रो

तखेप वाज़ प्रभुलाई नयुँल रैके

सैन्या नले, (स्वर्ग निताव ज़ लिज़्या) २

१. मानुवाकिन छुत ज़ ताज़्या, स्वर्गताव राज्या
स्त्रीसए उभीनी छैव मिँर वाज़ लिज़्यार
होड वीनी फुड लिन्या, सोगो काता ज़ माताए,
पललँ चुम चुमो माताए, स्वर्ग निताव ज़ लिज़्या ।
२. स्वर्ग बान्या ताकिन नँ सिन्यालाई ताकींयो,
दुखाज्या संसार मनी स्वर्ग मिताव ताव धुव
तूइँजा लिज़्या आव जीवन, कोबादा बान्या माःक
स्वर्ग राज्या क्रुसस लिन्या, स्वर्ग निताव ज़ लिज़्या।

१३३

(स्त्रीस्तीय भजन ३६६)

को: हालेलुया, हालेलुया, हालेलुया

१. छकाल्न्या रिमक डासैँज्या प्रभु डस उलिज़्याव
होए नम नपो उकुइए डालाई एकमन्या ज़ दोरैनाज़्याव,
खा ज़ ओर्गा डाथैए, डायुँ होलाँ ताद सक्तीर, डादैज्या
रापकिन ब डमो स्त्रीसए ओमया एकमन्या ज़ डादैज्या (२)
२. प्रभुलाई डापोँखारिक, जवाप हो प्राईना ज़ डादैज्याव
डासैँज्या एकमन्या येसु डस ज़ बाज़्या,
गिसो लिज़्या आव डाकुम, डाबातड डामासेल्धुइ
प्रभु डावोर्दा, डा ओदाबज्यादा खिरीराए मावैनाव (२)
३. काराव डालाई मया नदाँव' खर्क मनी डामाबुभिधुइ
खा पै बाँचिउ परिन्या डा एकमन्या नँस ज़ लिन्या डाले,
आव डाजीवन प्राई नमीं ज़, छेनाके नो नभीए
हो ताकिन नसाची यान्या डाले प्रभु नयाँव जीवननी (२)

१३४

(स्त्रीस्तीय भजन ४२७)

१. डा पापए येमल डामाबा, नल कुधु मिँर सिज़्यार
स्वर्गताव फ़िमलाई डासाप्ज़्या, मानुवाल लिन्या डायुँ माले।
- को: आव मानुवा डाफ़िम माःक, साचो ज़ आव डाफ़िम माःक
आव मानुवाल सुख माले, आव मानुवा डाफ़िम माःक ।
२. मिँराए वैव पैँज्यार, नात पोँखारिउ एज़्यार
नोराए यापाँ डामाथैए, स्वर्गताव फ़िमलाई डाखिमज़्या ।
 ३. पापीर डस हुचिके, स्वर्ग देसल प्राईं गेबाया
स्वर्गत बान्या चाँदो हुचिके, स्वर्गताव फ़िमलाई गेसाप्ना (२)

१३५

(स्त्रीस्तीय भजन १०३)

१. जीवनलाव गेर्गे प्रभुलाई एकमन्या महिमा ओताक
डा नँलाई डामेँ:निज़्या प्रभु, कलवरीदा दोरैनाके ।
- को: डामेँ:ज्या गलगथात दुखलाव नपोँखारिउ पाँलाई
नमयालाई डामेँ:ज्या कलवरीदा दोरैनाके ।

२. नचाकज्याराए गिरिसिउ खादर डालाई सतेंदचाँके
होड आव खाव डायुँ प्रभुलाई डामुँपिरिज्या ।
३. मरियम भितीस खादरक हुद नँलाई ओसाप्पिज्याव
डायुँलाव भिती रैद डा मनी प्रभुलाई डामाप्पिज्या ।
४. क्रुसताव दुख घुर्न्याए जूनी तयार डालिज्या प्रभु
सहिन्या ज़ डाले नो दुखर सहिन्या सक्ती याँके ।

१३६

(ख्रीस्तीय भजन ३३४)

१. हे येसु डायुँ मोःदचाँके नो धारानी, नो धारानी
सोनो पापए छचास भरी समैदचाके नो धारानी ।
- को: नभीए धारानी, प्रभु डालाई मोःनाके छैव ब जैनाके
सोनो दिनकाव ज़ डालाई दुबैनायो नो धारानी
२. पापीलाई क्याल्सिज्या पाप नो धारानी, नो धारानी
सोनो फुर्सुल तान्या ताज्या नो धारानी
 ३. आख ते नँ ज़ लाँनाके, नो धारानी नो धारानी
डालाई मनी छैव जैनाके नभीए धारानी ।
 ४. छैव पुरुस दिनकाव ज़ नो धारानी नो धारानी
डालाई प्रभु सतेंदचाके नभीए धारानी ।

१३७

(ख्रीस्तीय भजन ६००)

- को: नड़ाक गेफुलुप्सिज्या प्रभु, धो गेदीज्या नँलाई (२)
१. सारा सिस्ती जैज्याव प्रभुलाई, राजाराए याराजा नँलाई (२)
नमान नैद नमिनलाई सघ्योःद, महिमा गेचरैःनिज्या (२)
 २. साचो येम सतेंज्याव येसुलाई, संसारलाव पलाँ ख्रीस प्रभुलाई (२)
नमान नैद नमिनलाई सघ्योःद, महिमा गेचरैःनिज्या (२)
 ३. सभेःद बाँचैन्या सक्ती ब नँ ज़, अजम्बरी राज्या मनी नँ ज़ (२)
नमान नैद नमिनलाई सघ्योःद, महिमा गेचरैःनिज्या (२)

१३८

(ख्रीस्तीय भजन ६००)

- को: प्रभुए ओपाँ थैचिके नैर, बेला उलिज्याक ज़,
(नेलाकाव जुनी अइज़ बाज्या, दैन्या ते काता ज़ माले ?) २
१. आव डादोया हो डादोया लिद जुनी अइज़ बाज्या (२)
आव तुईज़ा गेजुनी खेम्द बाज्या, लाँन्या ते काता ज़ माले (२)
 २. सिउकिन ख्वार मेंःल, ख्वार गमल बान्या वाज़ लिज्या (२)
बाँचिन्या जुनी मादैकिन पुरुस ते नर्गलाव मेंःल सिज्या (२)
 ३. सैन्या मासैन्यार सोनो धनी गरीबर मासिन्या सु ची लिज्यादा (२)
गेस० ओफ्या-वत साचो न्यायनी सु ची ओबाँचिधुरिज्याव (२)
 ४. 'डा बाँदैद जेयुँ होलाँ जैदचान्या डाले है लिज्या प्रभुए ओपाँ (२)
निताव बाँचैद युँ होलाँ जैज्यावलाई युँ सुहुप्किन जुनी लिज्या (२)

१३६

(ख्रीस्तीय भजन २००)

१. संसारल पाप लिज्या, संसारल दुख इताव ज़ लिज्या है
ए भाइर, कै जैद बान्या स्वर्गताव चाव पोल ?
२. पाप दाव छीनी दुख पापीए ओसजा आखिरिल नर्ग
ए बैनी, इतावनी ज़ सर्सिके बाइबल पोस्तोकोल ।
३. ईस्वर ज़ ओमया ल्यो, ईस्वर ज़ न्याय दोज्याव
ए बैनी, नँ सोनो गे प्राइँए ज़ बाँचिन्या पाँ गेथैया ।
४. ईस्वरए ओज़ा तोबो वाज़ ओल्यो संसारल हुके
ए बैनी, पापीराए गेसजा ओल ज़ घुक्क्यो क़ुसत ।
५. ईस्वरए खुल्सिज्याव येसुए ओमयाए गेबाँचिज्या
ए बैनी, येसुए उजिउ भाःक्यो पापीराए गेपोल ।
६. युँ सुहुप्द पापलाई रास्किन बाँचिन्या जुनी ते अइज़
ए बैनी, नँ सोनो गे प्राइँ ज़ बान्या गेले स्वर्गत ।

१४०

(ख्रीस्तीय भजन ४०१)

कोः गे झादा झादा गेबाया छींदा गेमाबोल

क़ुसए भन्दा पोंत छींद,

झादा झादा गेबाया (२)

१. सेनार गे ते ख्रीसए उमीर, लरै दाना गेबाया
कनान देसलाव येमदा प्राइँए पाइला सारैव ताके (२)
पाइला सारैए सारैए गेबाया, सुतुररालाई हरैना
कनान देसल गे प्राइँए खुसीलाव गित गैव ताके ।
२. कप्तान गेमीं सेनालाव ख्रीस ओल ज़
तरवाली गेमीं युँलाव, साचो धर्म ची (२)
ओल ज़ सघैसिज्याव आव गेजिउ भरिल
दिन दिनलाव आव गेजिउताव पाइला पाइलाल ।
३. सुतुर कुधु यालिदी ब, हार मानिन्या माःक
भेःन्या सक्ती दैन्याए जूनी ख्रीस ल्योदा गेबाया (२)
सुतुर हारैद, भन्दा फर फर गेजैया
साःरो युँ जैद रेंए रेंए झादा गेबाया (२)

१४१

मईकोटी खाम

१. अर्मिराए गेजुनी नाति चि लिज्यादा
आछिम लिज्या पराती माले, “न धनवै न सम्पत्तिवै” २
सान्ति मायौ येसु त सान्ति लिज्या अरू त माले २
अर्मिराई
२. निरास ताजास्च्यो फिरी जीबनल आसालाव बत्ती चाँन्या ले,

“दुख सोनो पिरवै भरिउ” २
युँल प्रभु येसुवै सान्ति यान्या ले २
अर्मिराई